



外科正宗目錄

卷一

癰疽原委論第一

癰疽治法總論第二

癰疽陽症歌第三

癰疽陰症歌第四

癰疽半陽半陰症歌第五

癰疽五善歌第六

癰疽七惡歌第七

治病則例歌第八

癰疽灸法并禁灸瘡穴第九

論病生死法第十

察形色順逆十一

病有三因受病主治不同論十二

調理須知十三

雜忌須知十四

卷二

瘡瘍看法十五

腫瘍治法十六

腫瘍主治方十七

潰瘍治法十八

潰瘍主治方十九

卷三

癰疽圖形二十

癰疽諸名歌二十一

腦疽二十一

卷四

發背二十三

疔瘡二十四

脫疽二十五

卷五

癰瘰二十六

鬢疽二十七

卷六

咽喉二十八

時毒二十九

癭瘤三十

肺癰三十一

卷七

流注三十二

乳癰三十三

附骨疽三十四

卷八

腸癰三十五

臟毒三十六

痔瘡三十七

下疳三十八

魚口便毒三十九

卷九

囊癰四十

懸癰四十一

臀癰四十二

楊梅瘡四十三

結毒四十四

多骨疽四十五

陰瘡四十六

卷十

傷寒發頤四十七

痼發四十八

療疽四十九

小腹癰五十

鵝口疽五十一

龍泉疽虎鬚毒五十二

石榴疽五十三

穿踝疽五十四

大麻風五十五

翻花瘡五十六

腋癰五十七

脅癰五十八

鼻痔五十九

骨槽風六十

紫白癩風六十一

齒病六十二

腦漏六十三

破傷風六十四

跌撲六十五

金瘡六十六

杖瘡六十七

竹木刺六十八

湯潑火燒六十九

甲疽七十

繭脣七十一

痞癰七十二

天蛇毒七十三

頭痛七十四

合谷毒七十五

鼻出血七十六

牙縫出血七十七

血箭血痣七十八

卷十一

鵝掌風七十九

腎囊風八十

疥瘡八十一

癩瘡八十二

血風瘡八十三

頑癬八十四

膿窠瘡八十五

火丹八十六

天泡八十七

肺風粉刺酒戲鼻八十八

雀斑八十九

汗斑九十

油風九十一

白屑風九十二

耳病九十三

漆瘡九十四

瘰癧瘡九十五

疥癩九十六

痰包九十七

癩風九十八

溼腫九十九

女人面生鰲黑斑一百

鈕釦風一百一

枯筋箭一百二

婦人腳丫作癢一百三

手足破裂一百四

眼丹一百五

眼胞菌毒一百六

黑子一百七

體氣一百八

白禿瘡一百九

奶癬一百十

蟾拱頭一百十一

小兒遺毒爛斑一百十二

螻蛄串一百十三
小兒痘風瘡一百十四

小兒赤遊丹一百十五
走馬疳一百十六

重舌一百十七
胎瘤一百十八

鵝口瘡一百十九
痘癰一百二十

痘疔一百二十一
黃水瘡一百二十二

卷十二

大人口破一百二十三
唇風一百二十四

臭田螺一百二十五
牛程躄一百二十六

蟻螂蛙一百二十七
田螺泡一百二十八

皴痛一百二十九

凍風一百三十

陰蝨一百三十一

蒲桃疫一百三十二

咬傷一百三十三

風犬傷一百三十四

惡蟲叮咬一百三十五

百蟲入耳一百三十六

誤吞針鐵骨哽咽喉一百三十七

人面瘡一百三十八

陰毒一百三十九

失榮症一百四十

中砒毒一百四十一

落下頷拏法一百四十二

救自刎斷喉法一百四十三

試知百病死生法一百四十四

造孽報病說一百四十五

仙方活命飲今古不同論一百四十六

拾遺症一百四十七
縑縛背瘡法一百四十八

癰疽內肉不合法一百四十九

煉元明粉法一百五十
煉金頂砒法一百五十一

煉硝石法一百五十二
取蟾酥法一百五十三

製附子法一百五十四
昇白靈藥法一百五十五

製寒食麪法一百五十六

製披針喉針法一百五十七

諸藥製法一百五十八 逐日人神歌一百五十九

十二時人神歌一百六十

十干日針忌歌一百六十一

屍神歌圖一百六十二 醫家五戒一百六十三

醫家十要一百六十四

外科正宗卷七

海甯許



明崇川陳實功著

吳江徐大椿靈胎評

海甯蔣光焞寅昉校

流注論第三十二

夫流者行也。乃氣血之壯。自無停息之機。注者住也。因

氣血之衰。是有凝滯之患。

楣案流注者其毒流走而竄注也此解似非

其

形漫腫無頭皮色不變。毋論穴道隨處可生。凡得此

者。多生於體虛之人。勤勞之輩。不慎調燮。夏秋露卧。

縱意取涼。熱體當風。圖身快爽。或中風邪。發散未盡。或慾後陰虛。外寒所侵。又或惱怒傷肝。鬱結傷脾。榮氣不從。逆於肉裏。又或跌打損傷。瘀血凝滯。或產後惡露未盡。流宿經絡。皆成斯疾。既成之後。當分表裏寒熱虛實。邪正新久而治之。初因風寒所中。表症發散未盡者。人參敗毒散散之。房慾之後。體虛寒氣外侵者。五積散加附子溫之。附子徐勒勞傷鬱怒。思慮傷脾而成者。歸脾湯加香附青皮散之。跌撲傷損。瘀血凝滯而成者。復元活血湯逐之。產後惡露未盡。流注經

絡而成者。木香流氣飲導之。此皆初起將成治法。一服至三四服皆可。外俱用琥珀膏敷貼。其中亦有可消者。十中五六。如服前藥不得內消者。法當大養氣血。徐曰丸當消痰培助脾胃。溫暖經絡。通行關節。木香流氣飲。十全大補湯。俱加熟附子香附。熟附子徐勒培助根本。如此。則未成者自消。已成者自潰。已潰者自斂。而終無殘敗破漏不斂之症。如有膿。宜急開之。患者又當慎起居。戒七情。遠寒就溫。庶可保全。若悞用寒涼剋伐內消等藥。終至不救者多矣。

徐曰。流注有虛痰實痰兩種。

又曰。流注一證。由風寒入膜所致。膜在皮中。旁通四達。初無定處。所以隨處作患。此真脈絡之病。故古人製大活絡丹以治之。其餘煎丸皆非正治。蘇州一小兒甫九歲。患流注。肩背腰脅十餘處。百端醫治無效。余曰。此惟大活絡丹能愈。服至三十餘丸。未破者消。已破者收口。更服補氣血之藥而愈。

此條從洄溪醫案采八

流注看法

初起漫腫。皮色光亮。微熱微疼。筋骨不牽強者順。已成
身體微熱。飲食有味。疼痛有時。腫生紅色者順。已潰膿
稠而黃。腫消痛止。身體輕便。起坐如常者順。潰後內肉
易生。膿水易止。精神易復。膿口易合者順。初起身體發
熱。脈細而數。皮色微腫。痛徹筋骨者險。已成飲食少思。
口乾作渴。身體疼痛。四肢沉重者險。已潰膿水清稀。腫
仍不消。虛熱不退。疼痛不減者逆。潰後膿穢不止。肌膚
瘦削。飲食不滄。發熱皮粗者死。

徐曰。看法亦與諸症同。

流注治法

初起風寒表散未盡而後復生腫痛者再宜和解之表邪已盡而後復生流注者宜清熱消腫行散氣血暴怒所傷抑鬱所致胸膈痞悶中氣不舒宜順氣寬中腫硬已成而不得內消者宜和氣血更兼補助脾胃跌撲閃胸瘀血凝滯爲患者宜調和氣血通行經絡寒邪所襲筋攣骨痛及徧身疼痛者溫經絡行氣血產後敗血流注關節致生腫痛者當散敗瘀養氣血潰後膿水不止而形衰食少者宜滋氣血峻補脾胃

徐曰。亦與諸症同。

流注治驗

一男子風寒表散未盡。兩腮腫痛。微熱不退。用小柴胡

湯加川芎天花粉。

天花粉徐勒

桔梗連翹二服。熱頓退。又

以二陳湯加桔梗黃芩牛蒡子連翹四服。十日而安。

徐曰。此乃風痰。非流注也。

一男子勞傷受寒。背生三腫。皮色不變。寒熱交作。至夜尤甚。先以萬靈丹洗浴發汗。寒熱頓退。惟腫硬不消。以琥珀膏敷之。三次。腫消痛止。漸平。

徐曰。此亦風痰所聚。

一婦人因怒脇下結腫。將近半年方痛。此肝氣鬱結之

症。用木香流氣飲四服。其腫漸紅。蓋病久必欲作膿。

不可內消。又以十全大補湯

徐曰
蠶補

加木香香附青皮

十餘服。腫漸高。又以本方加皂角刺五服。其膿乃潰。

清而且多。此元氣已經虧損所致。服人參養榮湯加

熟附子。

此味
徐勒

月餘。膿始稠少。本方倍參耆歸朮。兩月

而愈。

一男子元氣素虛。因暴怒膊生腫塊。疼痛牽強。寒熱往

來飲食日減以補中益氣湯

此五字徐勒批曰不切

加香附貝

母十餘服寒熱漸止又服益氣養榮湯月餘而腫潰

間服八珍湯外用香附餅日灸二次

徐曰亦不妥

脾胃健

而安

孀婦項間乳上各腫一塊將近一年漸大而痛診之

脈細數而無力此思慮過傷之症用歸脾湯加桔梗

香附十餘服腫漸高以琥珀膏敷之色漸紅欲其作

膿以十全大補湯加桔梗貝母服之半月膿熟針之

頭腐膿清虛熱復作食少不睡仍以歸脾湯間逍遙

散服之三月而愈。

一男子平素怯弱腰後微腫一塊飲食少思口乾發熱

此腎傷也治當朝以附桂八味丸

以上七字徐勒批曰大誤午用

人參養榮湯扶植根本為要彼以口乾發熱為內有

火

徐曰既有此症何得又用熱藥

欲投清涼之劑解之

徐曰其死亦不以徒用涼

藥之故

余辭不治彼請內科治之以退熱為主正合其

意投藥三劑腹痛作瀉又以豬苓澤瀉厚朴

此三味徐勒批

曰大謬

泄氣等藥投之大熱發作形體更變復請余治

余曰死期速矣因虛致病法當滋補況腫在腰間內

腎受傷。口乾作渴。腎水枯竭。發熱不退。陰虛血少。今以有餘之藥。而療不足之症。豈有不死者哉。又半月而死。

徐曰。以上所載五案。皆係痰毒。並非流注之病。流注者。纏綿不已。或五或七或九。愈者愈。發者發。變態萬端。若初生一兩箇。旋即消潰。皆非真流注也。

流注主治方

調和榮衛湯

調和榮衛湯。芎歸赤芍白芷併烏藥。

獨活甘草耆大茴牛膝紅花兼陳皮。

治流注初起。氣血凝聚。結腫不散。已成未成。並服。

川芎

當歸

陳皮

獨活

赤芍

白芷

烏藥

大茴香

黃耆

甘草

紅花各五分牛膝下部

水二茶鍾煎八分入酒一杯量病上下服

徐曰通治之方但少痰藥

楣案大茴香一味徐勒批曰此味不解

木香流氣飲

木香流氣飲芎歸枳殼檳榔防枳實

蘇桔青陳烏澤耆膝甘半芎大腹皮

治流注瘰癧及鬱結為腫或血氣凝滯徧身走注作

痛或心胸痞悶咽嗑不利脇腹膨脹嘔吐不食上氣

喘急咳嗽痰盛。或四肢面目浮腫者。

川芎

當歸

紫蘇

桔梗

青皮

陳皮

烏藥

黃耆

枳實

茯苓

防風

半夏

白芍

各一錢

甘草節

大腹皮

木香

檳榔

澤瀉

枳殼

各五分

牛膝

下部

加一錢

水三茶鍾。薑三片。棗一枚。煎八分。食遠服。

徐曰。此流注主方。藥味太雜。宜擇用。

楣案。青皮。烏藥。大腹皮。木香。檳榔。徐圈。

六鬱湯

六鬱湯內用川芎
甘杞蒼朮砂仁等

半夏陳苓香附同
溼痰流注即時通

治諸鬱結腫及左右二搭相串溼痰流注等症。

川芎

半夏

茯苓

香附

陳皮

山梔

各一錢

蒼朮

砂仁

甘草

各五分

水二茶鍾薑三片煎服。

附子八物湯

附子八物湯芎芎
甘草肉桂當歸等

熟地人參朮茯苓
木香薑棗效如神

治房慾後陰虛受寒致生腫塊。又或徧身腿腳疼痛。

不能步履。

川芎

白芍

熟地

人參

白朮

茯苓

當歸

附子

各一錢

肉桂

五分

木香

甘草

各三分

水二茶鍾。薑三片。棗一枚。煎八分。食遠服。

徐曰：此通治虛寒之方。非流注之方。凡立方總當

兼顧本症一二。不可全不照應。

瘡科流氣飲

瘡科流氣飲芎歸防風枳殼香烏藥

甘桔蘇檳芎桂耆白芷人參厚朴隨

治流注及一切鬱怒凝滯氣血作腫疼痛或胸膈痞

悶或風寒溼毒搏於經絡結成腫塊者。

當歸

甘草

紫蘇

人參

白芍

官桂

黃耆

防風

枳殼

烏藥

桔梗

厚朴

檳榔

木香

川芎

白芷

各五分

水二茶鍾煎八分。食前服。

徐曰。此亦流注通治之方。與前義同。

通經導滯湯

通經導滯湯香附
陳丹枳蘇甘草節

赤芍芎歸熟地隨
牛膝紅花獨活宜

治婦人產後敗血流注經絡。結成腫塊疼痛者。

香附

赤芍

川芎

當歸

熟地

陳皮

紫蘇

牡丹皮

紅花

牛膝

枳殼錢各一 甘草節 獨活各五分

水二茶鍾煎八分入酒一小杯食前服

徐曰亦與前方相同皆重出

香附餅香附餅用香附末 酒和調成患上安 熨斗將來乘熱熨 兼資火力散風寒

治風寒流注襲於經絡結成腫痛用香附為末酒和

量瘡大小做餅覆患處熱熨斗熨藥上未成者自消

已成者自潰風寒溼毒宜薑汁作餅

徐曰外治良法

醒脾湯醒脾湯中參朮耆 黃連酸棗地骨皮 茯神遠志柴甘桔 木香香附龍眼宜

治懷抱鬱結。思慮傷脾。致脾氣不行。逆於肉裏。乃生
壅腫疼痛不眠。心煩不安。神氣不清。

白朮

黃耆

人參

茯神

各一錢

酸棗仁

地骨皮

遠志

各七分

柴胡

甘草

桔梗

黃連

木香

香附

各五分

龍眼肉

七箇

水二茶鍾。薑三片。棗二枚。煎八分。不拘時服。

徐曰。卽歸脾湯意。

調中大成湯

調中大成湯。朮附砂仁。遠志。丹陳草。

苓歸芍藥。藿參耆。黑棗二枚。薑用煨。

治流注潰後。膿水清稀。飲食減少。不能生肌收斂。

白朮

茯苓

歸身

白芍

陳皮

山藥

牡丹皮

黃耆

各一錢

人參

二錢

藿香

砂仁

遠志

甘草

各五分

附子

肉桂

各八分

分

水二茶鍾。煨薑三片。棗二枚。煎八分。食遠服。

徐曰。此病後調養方。

黃耆六一湯

黃耆六一湯參草流注膿多併作湯

三味同煎功不小更兼煩躁煎嘗好

治流注潰後膿水出多。口乾作渴。煩躁不甯。

黃耆

六錢半生半蜜水炒

甘草

一錢五分半生半炙

人參

一錢

水二茶鍾煎八分食遠服。

散血葛根湯

散血葛根湯半夏甘草細辛併蘇葉

芎防羌葛芷升麻桔梗香附與紅花

治跌撲損傷瘀血凝滯結成流注身發寒熱者。

乾葛

夏

川芎

防風

羌活

升麻

桔梗

各八分

白芷

甘草

細辛

蘇葉

香附

紅花

各六分

水二茶鍾葱白三枚薑三片煎八分不拘時服。

徐曰。如果敗血當更加血分藥。此方尚未到。

先天大造丸

先天大造丸歸杞烏芽巴骨故紙膝

朮地參苓菟蕊黃車志青鹽棗二香

治風寒溼毒襲於經絡。初起皮色不變。漫腫無頭。或陰虛外寒侵入。初起筋骨疼痛。日久遂腫。潰後膿水清稀。久而不愈。漸成漏症者。

紫河車

一具酒煮搗膏

熟地黃

四兩酒煮搗膏

歸身

茯苓

人參

枸杞

菟絲子

肉蓯蓉

酒洗搗膏

黃精

白朮

何首烏

去皮用黑豆同蒸搗膏

川牛膝

骨碎補

去白微炒

仙茅

浸去赤汁蒸熟去皮搗膏各二兩

川巴戟

去骨

破故紙

炒

遠志

去心炒各一兩

木香

青鹽

各五錢

丁香

三錢

黑棗肉

二兩

疏生

右爲細末。煉蜜丸如桐子大。每服七十九丸。空心溫酒送下。此方非獨流注成漏者可用。又補一切氣血虛羸。勞傷內損。及男婦久無嗣息。並有奇功。

徐曰。此通治補藥。病後調養法。

又曰。此虛人潰後補藥。初起禁用。

琥珀膏

琥珀膏中用大黃同蒜搗稠敷患處

南星白芷鬱金香提毒之法此爲良

治一切皮色不變。漫腫無頭。氣血凝滯。結成流毒。毋論身體上下。年月新久。但未成膿者。

大黃

兩

鬱金

南星

白芷

各一兩

其爲細末。用大蒜頭去殼搗爛。入上藥再搗稠。入酒一二匙調勻。徧敷腫上。紙蓋。或卽熱痛。或不痛。俱待藥乾便效。次日又有起泡。又有不起泡者。如有起泡。挑去泡中黃水。膏貼之自效。

徐曰。此弔毒法。亦有必當用之法。

又曰。此提毒之法。毒淺者自消。凡一切無頭腫痛之症。俱效。

楣案。余所製消核膏。流注初起。貼之可消。

附錄大活絡丹

治一切中風癱瘓。痿痺痰厥。拘攣疼痛。癰疽流注。跌撲損傷。小兒驚癇。婦人停經。

白花蛇

烏梢蛇

威靈仙

兩頭尖

俱酒浸

草烏

天麻

煨

全蝎

去毒

首烏

黑豆水浸

龜板

炙

麻黃

貫仲

炙草

羌活

官桂

藿香

烏藥

黃連

熟地

大黃

蒸

木香

沈香

各一兩

細辛

赤芍

沒藥

去油

丁香

乳香

去油

僵蠶

天南星

薑製

青皮

骨碎補

白蔻

安息香

酒熬

黑附子

製

黃芩

蒸

香附酒浸焙

元參

白朮各一兩

防風二兩五錢

葛根

虎脛骨炙

當歸各一兩半

血竭七錢

地龍炙

犀角

麝香

松脂各五錢

牛黃

片腦各一錢半

人參三兩

右藥各研稱準。合和再研蜜丸。如桂圓核。大金箔為衣。陳酒送下。須用白蠟為匱收藏。以免泄氣。

徐曰。頑痰惡風熱毒瘀血。入於經絡。非此不能透

達。乃治肢體大症必備之藥。他書活絡丹祇用地

龍乳香等四五味。乃治藜藿人實邪之方。不可用。

流注應用方

十全大補湯

人參養榮湯

補中益氣湯

歸脾湯

益氣養榮湯

八珍湯

俱見潰瘍門

萬靈丹

見腫瘍門

小柴胡湯

二陳湯

俱見瘰癧門

乳癰乳岩論第三十三

夫乳病者。乳房為陽明胃經所司。乳頭為厥陰肝經所

屬。乳子之母。不能調養。以致胃汁濁而壅滯為膿。又

有憂鬱傷肝。肝氣滯而結腫。初起必煩渴嘔吐。寒熱

交作。腫痛甚者。宜牛蒡子湯主之。厚味飲食。暴怒肝

火妄動。結腫者。宜橘葉散散之。又憂鬱傷肝。思慮傷

脾積。想在心。所願不得。致經絡痞澀。聚結成核。初如豆大。漸若圍碁子。半年一年二載三載。不疼不癢。漸漸而大。始生疼痛。痛則無解。日後腫如堆粟。或如覆碗。紫色氣穢。漸漸潰爛。深者如岩穴。凸者若泛蓮。疼痛連心。出血則臭。其時五臟俱衰。四大不救。名曰乳岩。凡犯此者。百人必百死。知覺若早。姑用清肝解鬱湯。或益氣養榮湯。患者再加清心靜養。無望無礙。服藥調理。尚可苟延歲月。若中年已後。無夫之婦。得此其死尤速。故曰。夫乃婦之天也。惟初生核時。急用艾

灸核頂待次日起泡挑破用披針針入四分此句徐勒批口

必更腫此法斷不可用用冰蠶散條插入核內此四字徐勒糊紙封

蓋至十三日其核自落用玉紅膏生肌斂口再當保

養庶不再發又男子乳癰與婦人微異女損肝胃男

損肝腎蓋怒火房慾過度以致肝虛血燥腎虛精怯

血脈不得上行肝筋無以榮養遂結腫痛治當八珍

湯加山梔牡丹皮八珍湯徐勒口乾作渴者加減八味丸

八味丸徐勒腎氣素虛者腎氣丸已潰作膿者十全大補

湯懷孕之婦乳疾日內吹因胎氣旺而上衝致陽明

乳房作腫。宜石膏散清之。

此句徐勒批曰不可用寒

亦可消散遲

則遷延日久。將產出膿。乳汁亦從膿竅流出。其口難完。有此者純用補托生肌。其口亦易完矣。

徐曰乳病有數種。種種各別。須知之。

又曰乳腫不同。俱係陽明。結氣結痰。各有專方。一槩瞎藥。皆有損無益也。

乳癰乳岩看法

初起紅赤腫痛。身微寒熱。無頭眩。無口乾。微疼者順。已成掀腫發熱。疼痛有時。一囊結腫。不侵別囊者輕。已潰

膿黃而稠。腫消疼痛漸止。四邊作癢。生肌者順。潰後膿水自止。腫痛自消。新肉易生。膿口易合者順。初起一乳通腫。木痛不紅。寒熱心煩。嘔吐不食者逆。已成不熱不紅。堅硬如石。口乾不眠。胸痞食少者逆。已潰無膿。正頭腐爛。腫勢愈高。痛勢愈盛。流血者死。潰後肉色紫黑。痛苦連心。碗氣日深。形體日削者死。

徐曰。乳癰與乳岩各有看法。此乃乳癰看法也。

乳癰乳岩治法

初起發熱惡寒。頭眩體倦。六脈浮數。邪在表宜散之。發

熱無寒。惡心嘔吐。口乾作渴。胸膈不利者。宜清之。憂鬱傷肝。思慮傷脾。結腫堅硬微痛者。宜疎肝行氣。已成掀腫發熱疼痛。有時已欲作膿者。宜托裏消毒。膿已成而脹痛者。宜急開之。脾胃虛弱。宜更兼補托潰而不斂。膿水清稀。腫不消。疼不止。宜大補氣血。結核不知疼痛。久而漸大。破後惟流污水。宜養血清肝。

徐曰。此亦是乳癰治法。乳岩無治法。不過使之遷延歲月。不致痛苦惡具而已。

乳癰乳岩治驗

一婦人因怒。左乳腫痛。寒熱交作。服人參敗毒散一劑。

人參敗毒散徐
勒此日不切

表症已退。又用牛蒡子湯二服。腫消

漸安。

一婦人憂思過度。久鬱成癆。左乳結核如桃。

徐曰此半
名乳核

年似痛非痛。咳嗽生痰。身發潮熱。診之脈微數而無力。此真氣雖弱。而邪火尙未有餘。如用藥合理。尙堪

調治。先用逍遙散加香附貝母十餘服。而咳嗽漸止。

寒熱間作。又用八珍湯加香附。牡丹皮。柴胡。遠志。十

餘服。身熱去其八九。又服益氣養榮湯加青皮。木香。

兩月餘胸膈得利。噯氣得舒。飲食漸進。肌膚漸澤。外腫以阿魏化痞膏貼之。半年餘而消。

一婦人右乳疼痛。腫如覆碗。診之脈數有力。此有餘症。欲作膿也。用托裏消毒散數服。而脹痛針之。出膿碗許。又用十全大補湯加香附十餘服而安。

徐曰。此是乳癰實症。如乳子之時有此。乃是外吹也。

一婦人暴怒。左乳結腫疼痛。自服仙方活命飲二劑。疼痛稍止。結腫不消。仍服清涼敗毒之劑。

清涼二腫痛字徐勒

更作形體日弱。診之脈浮數而無力。此真氣虛而邪氣實也。非補不可。用益氣養榮湯四五服。其腫始高。寒熱亦退。又十餘服而膿潰。兼服十全大補湯。兩月而痊。此症非純補豈能得愈。純補二字徐勒批曰外症無純補

一男子年過五旬。因妻喪子不成立。憂鬱傷肝。左乳結腫。半年痛甚。作腐。肝脈弦數。先用小柴胡湯加青皮。山梔。遠志。貝母。數服。而肝脈稍平。又用八珍湯仍加

前藥十餘服。其腫漸腐為膿。更服益氣養榮湯。庶保收斂。彼為內醫所惑。謂鬱怒傷肝。肝經有火。不必用

補更服降火流氣寬中等劑。致食少便秘發熱作渴。復請余治肝脈復弦。口乾作渴。邪火內淫。飲食減少。脾土受傷便秘發熱。陰血竭而爲燥爲熱。已上俱內損症也。辭不治。後月餘果死。

徐曰。此卽男子乳岩。本屬難治。

一婦人左乳結核。三年方覺腫痛。診之脈緊數而有力。此陽有餘而陰不足也。況結腫如石。皮肉紫色不澤。乃真乳岩症。辭不治。又一婦左乳結腫。或小或大。或軟或硬。俱不作痛。至半年餘。腫如覆碗。堅硬木痛。近

乳頭纍纍徧生疙瘩。時痛時癢。診之脈弦而數。腫色慘黑不澤。此氣血已死。亦辭不治。又一婦已潰。腫如泛蓮。流血不禁。亦辭之。後果俱死。

徐曰。此段所述皆真乳岩。無愈理。

稽案余所製消核膏。凡乳核初起。無內症。貼之無不消者。但除根甚難耳。因循不治。變爲乳岩。則難治。乳岩潰後。宜貼陽和解凝膏。近見刻本經驗良方。載以鴉片灰作糝藥。亦有得愈者。附記于此。

又案全生集乳岩治法。初起用犀黃丸。每服三錢。

酒送十服全愈。或以陽和湯加土貝五錢煎服數

日可消。倘誤以膏貼藥敷。

摺案貼余消核膏無弊說見癩癧門後

定

主日漸腫大。內作一抽之痛。已覺遲治。倘皮色變

異。難以挽回。勉以陽和膏日服。或以犀黃丸日服。

或二藥每日早晚輪服。服至自潰而痛者。外用大

蟾六隻。分作三日。每日早晚取蟾破腹連雜。蟾身

刺孔。貼於患口。內服千金托裏散。

方見癩癧門註中

三日

後。接服犀黃丸。可救十中三四。潰後不痛而癢極

者。無一毫挽回。大忌開刀。開則翻花最慘。萬無一

活。男女皆有此症。

乳癰主治方

牛蒡子湯

牛蒡子湯瓜蒌仁黃芩連翹柴花粉

銀花山梔甘草陳青皮牛蒡阜角針

治乳癰結腫疼痛。毋論新久。但未成膿者。

陳皮

牛蒡子

山梔

金銀花

甘草

瓜蒌仁

黃芩

天花粉

連翹

角針

各二

錢

柴胡

青皮

各五分

水二茶鍾煎八分。入酒一杯相勻。食遠服。

徐曰。此乳症通治方。

水楣案瓜萇仁青皮徐圈

橘葉散

橘葉散內用柴陳石膏連翹一錢等

川芎山梔青皮芩橘葉廿片草五分

治婦人有孕胎熱為內吹。有兒喫乳名外吹。致乳結成腫痛。寒熱交作。甚者惡心嘔吐。

柴胡

陳皮

川芎

山梔

青皮

石膏

黃芩

連翹

各一錢

甘草

五分

橘葉

十二片

片

水二茶鍾煎八分食遠服。

徐曰亦通治方。

擘案橘葉徐圈

清肝解鬱湯

清肝解鬱湯白芍
青皮生地併蘇葉

桔半芎歸貝志陳
通草香附梔蒺神

治一切憂鬱氣滯乳結腫硬不疼不癢久漸作疼或

胸膈不利肢體倦怠面色萎黃飲食減少

陳皮

白芍

川芎

當歸

生地

半夏

香附

各八分

青皮

遠志

茯神

貝母

蘇葉

桔梗

各六分

甘草

山梔

木通

各四分

水二茶鍾薑三片煎八分食遠服

徐曰。與前法重。

鹿角散

鹿角散用角三寸研服三錢酒調下

炭火煨之令微紅乳癰新起散無蹤

治乳癰新起。結腫疼痛。憎寒發熱。但未成者。俱效。鹿

角尖三寸。用炭火煨稍紅。存性碾末。每服三錢。食後

熱酒一茶鍾調服。甚者再用一服必消。

徐曰。此單方。

回乳四物湯

回乳四物湯四物加上麥芽能散乳

芎歸地芍不可缺自然腫脹消無跡

治產婦無兒。喫乳致乳汁腫脹。堅硬疼痛難忍。

川芎

當歸

白芍

熟地

各二錢

麥芽

二兩

炒爲
粗末

水二茶鍾煎八分食遠服用腳布束緊兩乳以手按揉其腫自然消散甚者再用一服。

徐曰此治乳脹消乳之法宜再加豬苓澤瀉茯苓等以利其水。

楣案熟地徐改生地麥芽一味徐圈。

灸乳腫妙方

灸乳腫痛方法高將碗覆於患上灸

惱怒勞傷氣不調諸般腫痛寂然消

治氣惱勞傷或寒熱不調乳內忽生腫痛用碗一隻

內用粗燈草四根十字排勻碗內燈草頭各露寸許

再用平山粗紙裁成一寸五分闊紙條用水溼紙貼蓋碗內燈草上紙與碗口相齊將碗覆於腫乳上留燈草頭在外將艾大圓於碗足底內點火灸之艾盡再添灸至碗口流出水氣內痛覺止方住甚者次日再灸一次必消。

保安萬靈丹

見腫瘍門

治乳癰初起發熱惡寒頭眩肢體作痛者。

益氣養榮湯

見瘰癧門

治鬱怒傷肝七情內結以致乳中生核不疼不癢日

久方痛。甚者胸膈不利。吞酸嘔吐。頭目昏眩。四肢倦
怠。或已破潰。膿水清稀。不能收斂。飲食減少。口淡無
味。自汗盜汗。肢體羸瘦者。

治乳便用方

治乳蒲公英最良
葱湯一盞催微汗

酒煎熱服卽眠牀
腫痛全消身便康

治乳癰初起腫痛未成膿者。用蒲公英春秋間開黃
花似菊者。取連根帶葉二兩。搗爛。用好酒半斤。同煎
數沸。存渣敷腫上。其酒熱服。被蓋睡一時許。再用連
鬚葱白湯一茶鍾催之。得微汗而散。此方鄉村偏僻
無藥之所。用之極妙。亦且簡便。

徐曰。此單方。

下乳天漿散

下乳天漿四物同
王不留行併山甲

茯苓花粉麥門冬
漏蘆甘草與木通

治乳母元氣虛弱。乳汁微少。或生兒日久乳少。

川芎

當歸

白芍

熟地

茯苓

天花粉

甘草

王不留行

炒

麥門冬

漏蘆

穿山甲

炒

通草

各一錢

用健豬前蹄一隻煮爛。取汁二碗。同藥煎至碗半。二

次頓熱食。遠服之。以熱木梳梳其乳房。其汁如泉湧

而來。

徐曰。此催乳法。

楣案王不留行漏蘆穿山甲通草及健豬前蹄徐

俱圈。

木香餅

木香餅用生地黃氣滯腫疼併閃胸

二物和勻患上裝用之一熨自無殃

治一切氣滯結腫成核或痛或閃胸風寒所傷。

木香

五錢

生地黃

一兩搗膏

右木香為末。同地黃和勻。量患處大小。作餅貼上。以熱熨斗熨之。堅硬木痛者。間日熨之。

徐曰。外治良法。

乳癰應用方

十全大補湯

八珍湯

見潰瘍門

逍遙散

冰蠶散

小柴胡湯

見癰癤門

托裏消毒散

見腫瘍門

阿魏化痞膏

見痞疾門

附骨疽論第三十四

附鶴膝風

夫附骨疽者。乃陰寒入骨之病也。人之氣血壯實。雖遇

寒冷而邪不入骨。凡人者。皆由體虛之人。夏秋露臥。

寒溼內襲。或房慾之後。蓋覆單薄。寒氣乘虛入裏。遂

成斯疾。初起則寒熱交作。稍似風邪。隨後臀腿筋骨

作痛。不熱不紅。疼至徹骨。甚者曲伸不能轉側。日久

陰變為陽。寒化為熱。熱甚而腐肉為膿。此疽已成也。

凡治此症。初起寒熱作痛時。便用五積散加牛膝紅

花。發汗散寒。通行經絡。或萬靈丹發汗亦可。次以大

防風湯行經活血。滲溼補虛。又有生於尻臀部位。漫

腫作疼者。

徐曰此非真骨癰

宜內托羌活湯。腿內近膝股漫

腫木痛者。內托者柴湯。腿外側者。內托酒煎湯。初起

通用人參敗毒散。

人參徐勒

加木瓜牛膝蘇木紅花。虛者

十全大補湯。加羌活防已牛膝。已成欲作膿者。附子

八珍湯。膿成脹痛者。卽針之。膿稠而黃。體實者。十全大補湯。膿清色白。體虛者。保元大成湯。食少體倦者。香砂六君子湯。脾虛寒熱者。補中益氣湯。以此調理可也。又有風溼相乘之症。初起寒熱交作。次傳腿腫作痛。其形光亮微紅發熱。按之如泥。不卽起者。宜當歸拈痛湯。或茯苓佐經湯。間服萬靈丹和之。以上之症。皆由元氣不足中來。不可悞用損脾泄氣敗毒等藥。外禁寒涼等法。如悞用之。必致氣血冰凝。內肉瘀腐。日久化爲污水。敗膿流而不禁。終死。又有房慾勞

傷寒熱互變。氣血乖違。經脈橫解。受病日深。以成斯

疾者。徐曰此溼毒之症其患大腿漸漸腫如冬瓜。上過膞腹。

下至足底。牽連漫腫。皮色不紅。日久潰膿。色白腥穢。

腫仍不消。痛仍不減。元氣日衰。身體縮小。唇舌乾焦。

二便枯秘。諸藥不效。飲食不進。終為不治。又有鶴膝

風。乃足三陰虧損之症。徐曰又一病初起寒熱交作時。亦

宜五積散加牛膝紅花。或萬靈丹發汗。俱可。如汗後

腫痛仍不消滅。此陰寒深伏。以大防風湯溫暖經絡。

重者兼灸膝眼二穴。敷以琥珀膏。亦可漸漸取效。如

以上之法俱不效者。終成痼疾。不必強藥消之。只宜
先天大造丸。史國公藥酒。終年常服。亦可轉重就輕。
徐圖步履也。

附骨疽看法

初起身微寒熱。飲食如常。結腫微紅。疼不附骨者。順已
成。舉動自便。結腫成囊。疼痛有時。膿易成者。吉。已潰膿
稠。腫消痛減。身體輕便。睡穩不熱者。吉。潰後元氣易復。
飲食易進。內肉易實。膿水易乾者。吉。初起身發寒熱。漫
腫色白。肢體牽強。疼痛附骨者。險。已成舉動不便。通腿

漫腫不熱不紅不作膿者險。已潰膿水清稀。氣穢腥臭。腫痛不消。形體日削者死。潰後脾胃虛弱。飲食無味。口渴不止。唇白皮枯者死。

徐曰。看法亦與諸症同。

附骨疽治法

初起發熱惡寒。身體拘急。腿腳腫痛。脈浮緊者散之。已成腿腳腫痛。皮色不變。上下通腫者散寒溫經絡。寒熱作腫。色白光亮。按之如泥不起者。宜健脾滲溼。身體無熱惡寒。脈遲而澀。腿腫不熱者。養血溫經絡。暑中三陰。

脈洪而數。腿腳掀腫。口乾便燥者。宜下之。已潰膿水清。稀飲食減少。形體消瘦者。補中健脾胃。潰後腫痛不減。膿水不止。虛熱不退者。溫中養氣血。愈後筋骨牽強。屈伸不便者。宜滋養氣血。通利關節。

徐曰。亦與諸症同法。

附骨疽治驗

一男子中寒。發散未盡。大腿腫痛。脈浮數而無力。此風寒未盡。內虛故也。用五積散去麻黃。加牛膝二服。疼痛稍減。又用內托黃耆酒煎湯四服。全腫俱消。惟腿

外側結腫一塊不退。此瘀血凝滯。欲作膿也。用托裏藥。候膿熟。針之。更服十全大補湯而斂。

徐曰。此腿癰也。非骨疽。

男子勞碌。遇寒每發腿痛。發則寒熱嘔吐。胸痞不食。此因氣惱。飲食不節。脾胃受傷。故不能運化。痰滯中脘。溼熱動而下注。爲腳氣。投以開結導引丸二服。行去停痰。又用半夏佐經湯數服。嘔止膈利。更服附子六物湯數劑。消而不發。

徐曰。此寒溼也。

一老人年六旬。過慾腎虛。致筋攣痺縮。腳膝無力。不能步履。外貼追風逐溼膏。內服三因勝駿丸而愈。

一男子右腿腫痛兩月餘。余曰膿成已久。何不開之。彼曰。二老醫同治。俱稱內消無膿。再請二老決之。俱曰無膿。但病者昏沈不醒。命在危篤。余強開之。出膿盈許。以獨參湯連進二服而甦。後以十全大補湯調理。百日外而安。

徐曰。此亦腿癰。

一男子房事後受陰寒。大腿無形作痛。至夜尤甚。不能

夕禾工字卷七
步履醫以散寒除溼消痰止痛藥治之其疼益增余
診其脈細澹而無力此氣血不足寒氣所乘之故投
以大防風湯二劑疼痛頓減又四劑而痊

徐曰此亦寒溼

男子暑月慾後當風睡臥寒氣襲於左腿遂致腫痛
寒熱交作胸痞不食以保安萬靈丹葱湯化服洗浴
發汗以散骨髓寒毒後以大防風湯去羌活加紅花
破故紙溫暖腎經通行經絡腫痛漸消血脈漸和又
以三因勝酸丸間服調理兩月而愈

徐曰。此外感風寒也。

一監生慾後受寒。致成腿痛。余以暖腎氣溫經絡散寒。

邪藥治之。彼以為緩。請內醫投表散之劑。外邪散而。

內虛。又以小柴胡湯等藥調理。

小柴胡湯徐勒

致虛熱發作。

口燥咽乾。煩渴不已。又以知母石膏湯清其上。防風。

木瓜威靈仙等劑攻其下。

此三字徐勒

致病愈劇。仍請余。

治。其時患腿愈腫。其形縮小。

楣案既云愈腫。又云縮小必有誤。

余斷。

以必死。此症原屬腎經受寒。非附子破故紙不能通。

達關節。非羌活防風牛膝不能通行。閉滯非人參白。

尤炙甘草。不能使脾氣行達四肢。非川芎當歸白芍
熟地紅花。不能養血活血。凡病從虛而入者。先補其
虛。後攻其病。以上八字徐×批曰。今此症不加溫補。
先補則邪何從而出。而發散解肌。以正風寒有餘之法。治之。不死何待。後
果死。

徐曰。以上說症。皆非附骨疽。名實相背。

附骨疽主治方

五積散

五積芎歸朴桂心
枳殼乾薑併桔梗

蒼半麻陳芍茯苓
白芷甘草共薑行

治風寒溼毒客於經絡。致筋攣骨痛。或腰腳酸疼。或

徧身拘急。或發熱惡寒頭痛者。

蒼朮

二錢

陳皮

桔梗

川芎

當歸

白芍

各一錢

麻黃

枳殼

桂心

乾薑

厚朴

各六分

白芷

半夏

甘草

茯苓

各四分

分

水二茶鍾。薑三片煎八分。不拘時服。頭痛惡寒者加

連鬚葱頭三根。蓋汗為效。下部加木瓜牛膝。

徐曰。此方雜亂不切。

內托羌活湯

內托羌活黃柏蒼紅花甘草當歸尾

桂翹藁朮陳耆防通治下體用此方

治尻臀患癰。堅硬腫痛。兩尺脈緊。數按之無力。

羌活

黃柏

防風

歸尾

藁本

肉桂

各一錢

黃耆

一錢五分

連翹

甘草

蒼朮

陳皮

各六分

紅花

五分

水酒各一茶鍾。煎八分。食前服。

徐曰。此下體通治之方。

當歸拈痛湯

當歸拈痛湯二朮
升麻茵陳草柏葛

羌活防芩澤瀉苓
二參知母要調勻

治溼熱下注。腿腳生瘡。赤腫作痛。或腰腳酸痛。或下

肢偏身重痛。或下部頑麻作癢。或成血風。

羌活 當歸 防風 茵陳 蒼朮 各

錢

苦參 升麻 白朮 葛根

各七分

甘草 黃芩 知母 澤瀉 豬苓

人參 各五分 黃柏 三分

水二茶鍾煎八分。食前服。

徐曰。此治溼毒之方。可擇而用之。

內托黃耆湯 內托黃耆湯黃柏 柴胡肉桂木瓜同 當歸生地兼羌活 連翹一味還煎入

治溼熱。腿內近膝股患癰。或附骨癰初起腫痛。此大

陽厥陰之分也。脈細而弦。按之洪緩有力。

黃耆鹽水拌炒 當歸 柴胡 木瓜 連翹各

錢 羌活 肉桂 生地 黃柏各五分

水酒各一茶鍾煎一半空心服。

徐曰與前法相近。

楣案木瓜羌活肉桂三味徐圈。

內托酒煎湯內托酒煎湯桂耆 柴胡連翹黃柏歸

治寒溼發於腿外側少陽經分患癰或附骨癰堅硬

漫腫作痛或流至足陽明經作腫。

黃耆 當歸各二錢 柴胡一錢五分 連翹 肉桂

升麻

牛蒡子

各一錢

黃柏

甘草

各五分

水酒各一茶鍾煎一半食前服

徐曰意重前

茯苓佐經湯

茯苓佐經湯半夏藿香澤瀉柴胡等

二朮陳皮草葛根木瓜厚朴共薑行

治足少陽經為四氣所乘以致腰腿發熱疼痛頭目昏眩嘔吐不食胸膈不利心煩熱悶等症

茯苓

陳皮

半夏

白朮

蒼朮

各一

錢

藿香

澤瀉

甘草

葛根

柴胡

厚朴

木瓜

各五分

附骨直

水二茶鍾薑三片煎八分食前服。

徐曰義重前方。

附子六物湯

附子六物湯甘草加薑三片水煎服

桂枝白朮防己苓何慮太陰足腫疼

治四氣流注於足太陰經骨節煩痛四肢拘急自汗短氣小便不利手足或時浮腫。

附子

甘草

各一錢

防己

白朮

茯苓

各八

分

桂枝

五分

水二茶鍾薑三片煎八分食遠服。

徐曰此治寒溼之方。

麻黃佐經湯

麻黃佐經湯葛根桂辛甘草各減半

羌活二防蒼朮各更加薑棗效如神

治風寒暑溼流注足太陽經腰足攣痺關節重痛憎

寒發熱無汗惡寒或自汗惡風頭痛等症

麻黃

葛根

羌活

防風

蒼朮

茯苓

防已

各一錢

桂心

細辛

甘草

各五

分

水二茶鍾薑三片棗二枚煎八分食前服

徐曰此亦治寒溼之方義重前

楣案蒼朮桂心細辛徐圈

小續命湯

小續命湯芎白朮
附子麻黃桂枝芍

防風防已共人參
薑汁甘草兼黃芩

治寒溼之氣中於三陽致身不熱所患煩疼或腳轉筋或腫或不腫或膝腿頑痺或時緩縱不隨或徧身百節攣痛或小腸疝氣攻衝

川芎

白朮

防風

人參

防已

附子

生用

麻黃

有汗去之

桂心

黃芩

白芍

各一

錢

甘草

五分

水二茶鍾煎入分入薑汁一匙和勻食前服又暑中

三陰所患必熱去附子減桂枝一半

徐曰。此散風寒溼之總方。諸方之祖也。

大防風湯

大防風湯朮附歸羌活牛膝併甘草

參芍川芎杜仲耆熟地還加薑引宜

治三陰之氣不足風邪乘之。兩膝作痛。久則膝愈大。而腿愈細。因名曰鶴膝風。乃敗症也。非此方不能治。又治附骨疽。皮色不變。大腿通腫。疼痛無奈。及痢後腳痛。緩弱不能行。或腿膝腫痛。

人參

二錢

防風

白朮

附子

當歸

白芍

川芎

杜仲

黃耆

羌活

牛膝

甘草

熟地

各一錢

水二茶鍾薑三片煎八分食前服。

徐曰與前方亦相近。

檳蘇散

檳蘇散內用木瓜羌活木香薑作引

香附陳皮大腹加何愁風溼腳酸麻

治風溼流注脚腫酸痛或麻痺不仁嘔吐不食

檳榔

紫蘇

木瓜

香附

陳皮

大腹皮

各一錢

木香

三分

羌活

五分

水二茶鍾薑三片葱白三莖煎一鍾空心服

徐曰此方專治脚氣

楣案檳榔紫蘇木瓜大腹皮木香徐圈

獨活寄生湯

獨活寄生湯茯苓秦朮杜仲兼牛膝

芎歸防芍細辛參熟地甘草并桂心

治肝腎虛弱。風溼內攻。足脛緩縱。或膝痺攣重。

獨活

二錢

茯苓

川芎

當歸

防風

白芍

細辛

人參

桂心

杜仲

秦朮

牛膝

熟地

桑寄生

真者各一錢

甘草

五分

水二茶鍾。薑三片。煎八分。食前服。

徐曰。此亦公其之方。

又曰。此治下焦風寒溼痰雜犯之方。雖藥味不純。

而於義無害。

相案熟地徐改生地。

神應養真丹

神應養真丹木瓜
川芎熟地菟絲子

當歸羌芍共天麻
蜜丸酒服效堪誇

治厥陰經為四氣所襲。腳膝無力。左癱右瘓。半身不遂。手足頑麻。言語蹇澀。氣血凝滯。徧身疼痛者。

當歸

川芎

白芍

天麻

羌活

熟地

搗膏

木瓜

菟絲子

各等分

右為細末。入地黃膏。加蜜丸。如桐子大。每服百丸。空心溫酒鹽湯任下。

徐曰。此緩治之方。亦無甚妙義。

二因勝駿丸

三因勝駿乳麝香
戟甘沒薜攢蒼蝎

歸麻二木棗羌防
故紙菴蓉熟地黃

治元氣不足。真氣虛弱。及諸虛被寒。溼氣侵襲。手足
拳攣。腳指連脚面拘急。走注疼痛。筋脈不伸。行步不
隨。常服益真氣。壯筋骨。黑髭鬚。滑皮膚。一切足弱鶴
膝風症並治。

附子

一枚要一兩
以外者製

當歸

明天麻

牛膝

酸棗仁

熟地

搗膏

防風

各三兩

木瓜

四兩

全蝎

淨身

麝香

一錢

乳香

沒藥

木香

羌活

甘草

炙各五錢

檳榔

萆薢

肉蓯蓉

破故紙

巴戟

去心

蒼朮

各一兩

右為細末。煉蜜丸。桐子大。每服七十九。空心淡鹽湯

溫酒任下。病近者七日。年深者半月見效。

徐曰。此緩治之法。作丸方不外此。

健步丸

健步丸中用川烏。生甘滑石兼花粉。

苦參羌活澤柴胡。防已防風桂酒糊。

治生平好飲燒酒。傷於脾肺。膝中無力。伸不能屈。屈不能伸。膝脊腿腳沈重。行步艱難者。

苦參

酒洗

防已

酒浸微焙

羌活

柴胡

滑石

炒

花粉

甘草 各五分 防風

肉桂 各三錢 澤瀉 一兩

五錢 川烏 泡二錢

右為細末。酒糊為丸。如桐子大。每服三十九。空心溫

酒送下。

徐曰。義重前。

腹子散

大腹子散蘇木瓜獨活桑皮併枳殼

羌荆赤芍木通加甘草青皮效可誇

治風毒腳氣上攻寒熱交作肢節煩疼心神壅悶。

大腹子

紫蘇

木瓜

羌活

荆芥

赤芍

木通

獨活

桑白皮

青皮

各五

附骨直

分

枳殼

錢一

甘草

分二

水一茶鍾。薑五片。葱白三莖。煎八分。空心服。

徐曰。此亦治腳氣之方。重前義。

楣案煎藥加薑。方書皆言幾片。而不言銖兩。蓋以此物非取諸藥肆。窮僻小戶。不皆有戩也。然薑有大小。片有厚薄。味又極辛。能掩諸藥。三片已覺其多。此方各藥銖兩甚輕。而薑至五片。是薑爲政矣。余願後之著方書者。酌改銖兩爲安。不獨此方然也。

加味敗毒散

加味敗毒散人參
木瓜枳桔甘蒼朮

羌獨前柴芎茯苓
風溼方中此最靈

治足三陽經溼熱毒氣流注腳踝掀赤腫痛寒熱如
瘧自汗惡風或無汗惡寒或惡聞飲食者

人參

羌活

獨活

前胡

柴胡

川芎

桔梗

茯苓

枳殼

甘草

木瓜

蒼朮

各入
分

水二茶鍾薑三片煎八分食前服便秘加炒大黃

徐曰此治風溼之方

千里健步散

千里健步散有功
草烏加土研為末

細辛白芷共防風
瞬息長安路可通

附骨疽

治遠行兩腳腫痛。若用之。輕便可行千里。甚妙。

細辛

防風

白芷

草烏

右等分爲末。糝在鞋底內。如底乾。卽以水微溼過。糝藥著腳。行走自不費力。再不作腫。

徐曰。此風溼外治之方。

雷火神鍼

雷火神鍼功最奇。紙筒丁麝和蘄艾。

風寒溼毒總相宜。急用針之不可遲。

治風寒溼毒襲於經絡爲患。漫腫無頭。皮色不變。筋

骨疼痛。起坐艱難。不得安臥者。

蘄艾

錢三

丁香

分五

麝香

分二

丁麝研末。與蘄艾揉和。先將夾紙作筒。如指粗大。以艾藥灌入筒內。疊實。臨用以蕭山紙七層平放。患上將筒點著一頭。隔紙捺實。針之。待不痛。方起針。病甚者。再針一次。七日後火瘡大發。自取功效矣。

徐曰。外治用處甚多。然藥味亦尚多。此未全。

追風逐溼膏

逐溼膏中羌獨活
豨桂麻藤星夏歸

川草二烏辛芷朮
大黃甘草同熬入

治風寒暑溼所傷。致骨節疼痛。筋攣不能步履。或麻木。溼痺等症。

豨薟草

麻黃

川烏

草烏

海風藤

半夏

南星

羌活

葶麻子

切桂枝各三

兩

獨活

細辛

當歸

白芷

蒼朮

大黃

各一兩

以上藥各切片用葱汁薑汁各二碗拌藥先浸一宿

次日用香油半觔

棚案諸藥共有數觔之多而香油止半觔半字必誤

先將藥

入鍋內慢火煎至葱薑二汁將乾不爆時方下油與

藥相煎渣枯為度細絹濾清每油一觔配飛過炒丹

十兩為準將前油入鍋內煎滾至滴水成珠不散方

下黃丹徐徐攪入其膏已成再下碾淨松香淨末一

劬四兩同熬化。取下鍋來。將盆頓穩。再下乳香木香胡椒輕粉各末二兩。白芥子細末四兩。漸入攪勻。傾入鉢內盛貯。用時熱湯頓化。綾緞攤貼。七日後。諸病可痊。百發百中。

徐曰。膏藥方勝此者甚多。不足取。

楣案油已煎至滴水成珠。而每油一劬。下炒丹十兩。則不待再熬而已堅不可攤。再下松香一劬。四兩。及各藥末十二兩。其堅如石矣。此蓋著書者忘卻熬膏時分兩。隨筆填註也。

阿骨疽應用方

保安萬靈丹

見腫瘍門

十全大補湯

見潰瘍門

小柴胡湯

見療應門

外科正宗卷七終

外科正宗卷八

海甯許 楣辛木訂

明崇川陳實功著 吳江徐大椿靈胎評

海甯蔣光焞寅昉校

腸癰論第三十五

夫腸癰者皆溼熱瘀血流入小腸而成也。又由來有三。男子暴急奔走。以致腸胃傳送不能舒利。敗血濁氣壅遏而成者。一也。婦人產後體虛多卧。未經起坐。又或坐草艱難。用力太過。育後失逐。敗瘀以致停積腸

胃而成者二也。飢飽勞傷。擔負重物。致傷脾胃。又或
醉飽房勞。過傷精力。或生冷並進。以致氣血乖違。溼
動痰生。腸胃痞塞。運化不通。氣血凝滯而成者三也。
總之初起外症發熱惡寒。脈芤而數。皮毛錯縱。腹急
漸腫。按之急痛。大便墜重。小便澀滯。若淋。甚者臍突
腹脹。轉側水聲。此等並見。則內癰已成也。初起未成
時。小腹殷殷作痛。儼似奔豚。小便淋瀝者。當大黃湯
下之。瘀血去盡自安。體虛脈細。不敢下者。活血散瘀
湯和利之。已成腹中疼痛。脹滿不食。便淋刺痛者。薏

苡仁湯主之。腹濡而痛。小便急脹。時時下膿者。毒未解也。用牡丹皮湯治之。如膿從臍出。腹脹不除。飲食減少。面白神勞。此皆氣血俱虛。宜八珍湯加牡丹皮肉桂黃耆五味子斂而補之。五味子徐勒如日久因循。不識此症。悞作脹病治之。徐曰庸醫往往如此以致毒攻內臟。腸胃受傷。或致陰器攻爛。腐靨黑斑。色敗無膿。每流污水。腹連陰痛。煩躁不止。身熱口乾。衾幃多臭。臥房難進者。俱爲不治。宜斟酌之。

腸癰看法

初起小腹疼痛。小便不利。六脈微緩。不作寒熱者。輕。已成小腹腫而堅硬。小便數而不利。六脈洪數者。險。已潰時時下膿。裏急後重。日夜無度。疼痛不減者。重。潰後膿腥臭穢。或流敗水。濁瘀。虛熱更增。不食者。死。

腸癰治法

初起小腹疼痛。或軟或硬。脈芤數者。瘀血也。宜下之。小腹作痛有塊。大便秘澀。小便如淋者。宜和而利之。已潰時時下膿。腹痛不止。飲食無味者。宜托而補之。產婦惡露不盡。流注小腸作痛。脈數者。宜和而導之。腹脹日久。

臍高突出。轉側響如水聲。臍內蓄急。針之。徐曰實見如此可用針

腸癰治驗

一男子小腹脹痛。裏急後重。時時下膿。醫作痢疾治之。

愈重。

醫字徐又

余診其脈。芤而數。此小腸癰也。投以薏苡

仁湯。一服下膿升許。卽不後重。更用牡丹皮散六服而安。

一幼婦產後月餘。腹中漸痛。腫脹如蠱。內醫紛紛認爲蠱病。又月餘。沈重昏憤。已棄不治。適其家童稚患瘡。請余往視。偶言及此。余自請診之。人雖昏憤不甦。而

脈細數有力。余曰：此內癰也。尚可治。其家不信。余曰：

請視其腹。一決生死。何如。視之。則腫皮緊急。光亮。臍

下大熱。以上十字徐密點批曰：辨症全在此。產後極多。余曰：確係內癰。治之

萬無一失。其家乃善。因命先備淨桶。用滾湯半桶。蓋

之。聽用。先以薏苡仁湯。薏苡仁湯。徐密點。加酒炒大黃二錢。

徐徐灌服。此二句徐密點。待腹中覺痛。扶起患者。坐桶上。熱

氣薰蒸。此四字徐密點。其膿下如湧泉。連湯與膿。約共滿桶。

病者卽甦。更服八珍湯。加牡丹皮。五味子。調理月餘。

而安。

婦人小腹腫痛小便如淋診之脈緩而芤此得之行經時誤食生冷又兼惱怒肝火急迫瘀血而成內癰膿尙未成也以大黃湯下之瘀血出盡而安

一婦人小產瘀血未盡勞動太早小腹內外腫痛月餘大便秘燥小便澀滯口燥咽乾煩悶不睡內醫調理其病日重余偶往診之脈數實而有力謂曰此腸癰已成也。用薏苡仁湯加大黃一服。下膿數碗脹痛頓退。外腫堅硬不散仍作掀痛。此餘膿尙欲外泄也。投以十全大補湯三服。

十全大補湯徐勒批曰蠻方

膿脹痛而針之

更服八珍湯加牡丹皮五味子。五味子 徐入月餘而斂。

一婦人腹脹如鼓。臍突寸許。小水澀滯。轉側腹有水聲。

此內膿已成。用針刺臍上突頂。出膿盆許。服牡丹皮

散五六劑。其膿漸少。朝以八味丸。暮以八珍湯加澤

瀉牡丹皮黃耆破故紙。此一 味 徐入服之月餘而愈。

腸癰主治方

大黃湯

大黃湯中用朴硝 加上桃仁水煎服

丹皮白芥共和調 腸癰腹痛自然消

治腸癰小腹堅硬如掌而熱。按之則痛。肉色如故。或

掀赤微腫。小便頻數。汗出憎寒。脈緊實而有力。日淺

未成膿者。

天黃炒

朴硝各一錢

牡丹皮

白芥子

桃仁去皮

尖各二錢

水二茶鍾煎八分食前或空心溫服。

徐曰此實症主方。

活血散瘀湯

活血散瘀湯赤芍瓜萸枳殼桃仁等

檳榔蘇木與芎歸大黃加上粉丹皮

治產後惡露不盡或經後瘀血作痛或暴急奔走或

男子杖後瘀血流注腸胃作痛漸成內癰及腹痛大

便燥者。

川芎

歸尾

赤芍

蘇木

牡丹皮

枳殼

瓜蒌仁

去殼桃仁

去皮尖各一錢

檳榔

六分

大黃

酒炒二錢

水二茶鍾煎八分。空心服。渣再煎服。

徐曰。卽前方義。

牡丹皮散

丹皮散內用參歸甘草白芷川芎芍

薏苡茯苓共黃耆桃仁官桂木香宜

治腸癰腹濡而痛。以手重按則止。或時時下膿。

人參

牡丹皮

白芍

茯苓

黃耆

薏苡仁

桃仁

白芷

當歸

川芎

各一

錢

甘草

官桂

各五分

木香

三分

水二茶鍾煎八分。食前服。

徐曰。卽前方義。

又曰。王不留行。冬瓜子。全瓜蒌。枳殼。穿山甲。廣膠。

槐米。番木鱉。阜螋。蝎子。俱可參用。

七賢散

七賢散內淮山藥
茯苓參耆合成七

黃肉丹皮熟地黃
薑棗同煎理內傷

治腸癰潰後疼痛。淋瀝不已。或精神減少。飲食無味。

面色萎黃。四肢無力。自汗盜汗。睡卧不甯。

茯苓

山藥

牡丹皮

山茱萸

熟地

人參各一錢 黃耆二錢

水二茶鍾。煨薑三片。大棗二枚。煎八分。食前服。

徐曰不切病。

失笑散

失笑散用五靈脂醋調末服或丸服

加上蒲黃一味宜瘀血諸痛均堪醫

治產後心腹絞痛欲死。或血迷心竅。不省人事。及尋常腹內瘀血。或積血作痛。又婦人血氣為病。作痛之聖藥也。及治男子諸疝疼痛不已者。

五靈脂 蒲黃俱炒等分

右為細末。每服三錢。醋一合。調稠。熬數滾。入水一茶

鍾煎七分。食前連藥服。如用醋爲丸。每服二錢。淡醋湯下。治前症亦妙。

徐曰。此非治腸癰之方。乃治婦人瘀血作痛之方也。

又曰。此消瘀血之要方。

楣案。此二味徐俱圈。

排膿散

排膿散內用黃耆
銀花白芷瓜蒌等

川芎山甲與當歸
防風加上效神奇

治腸癰。小腹脹痛。脈滑數。裏急後重。時時下膿。

黃耆

當歸

金銀花

白芷

穿山甲

防風

川芎

瓜蒌仁

各一錢

水二茶鍾煎八分食前服或為末每服二三錢食遠

蜜湯調下亦可

徐曰此通利膿水之法

瓜蒌子湯

瓜蒌子湯薏苡仁產後惡露併瘀血

桃仁丹皮相共行腸胃停滯用此清

治產後惡露不盡或經後瘀血停滯腸胃作痛縱非

是癰服之亦效

薏苡仁

四錢

桃仁

牡丹皮

瓜蒌仁

各一錢

水二鍾煎八分食前併空心服

徐曰。後有薏苡仁湯。不必存此。

薏苡仁湯

薏苡仁湯功力奇。桃仁加上瓜蒌子。

腸癰腹痛總堪醫。更兼白芍與丹皮。

治腸癰腹中疼痛。或脹滿不食。小便澀滯。婦人產後。多有此病。縱非癰。服之尤效。

薏苡仁

各三錢

牡丹皮

桃仁

去皮尖。各二錢

白芍

一錢

水二茶鍾。煎八分。空心服。

徐曰。此腸癰主方。與前方相同。

腸癰應用方

八珍湯

十全大補湯

八味丸

俱見潰瘍門

臟毒論第三十六

夫臟毒者醇酒厚味。勤勞辛苦。蘊毒流注。肛門結成腫塊。其病有內外之別。虛實之殊。發於外者多實多熱。脈數有力。肛門突腫。大便秘結。肚腹不寬。小水不利。甚者肛門肉泛如籬。孔頭緊閉。此爲外發。屬陽。易治。宜四順清涼飲。內消沃雪湯。通利大小二便。痛甚者。珍珠散。人中白散。搽之。膿脹痛者。針之。發於內者。屬陰虛。溼熱滲入肛門。內臟結腫。刺痛如錐。小便淋瀝。

大便虛秘。咳嗽生痰。脈數虛細。寒熱往來。遇夜尤甚。此爲內發。屬陰難治。宜四物湯加黃柏知母天花粉甘草。兼以六味地黃丸調治。候內臟膿出則安。又有生平情性暴急。縱食膏粱。或兼補術蘊毒結於臟腑。火熱流注肛門。結而爲腫。其患痛連小腹。肛門墜腫。二便乖違。或瀉或秘。肛門內蝕串爛。經絡汙水流通。夫孔飲食不滄。作渴之甚。犯此未有見其生者。又有虛勞久嗽。痰火結腫。肛門如粟者。破必成漏。瀝盡氣血必亡。

徐曰亦非不治之症。調養氣血無害。

此二症乃內傷之故。非藥

夕和上三卷八
可療不必強治也

臟毒看法

初起腫痛。紅色光亮。疼痛有時。肛門不墜。便和者順。已
成。掀赤腫痛。發熱不渴。小便不數。展轉自便者順。已潰
膿稠色鮮不臭。掀腫漸消。疼痛漸減。能食者順。潰後膿
水漸止。新肉易生。不疼多癢。瘡口易乾者順。初起堅硬
漫腫。內臟閉痛。小便頻數。大便秘結者險。已成疼痛日
甚。腫連小腹。肛門閉緊。下氣不通者重。已潰臭水淋漓。
疼痛不減。腫仍不消。身熱脣焦者逆。

徐曰。看法同別症。

臟毒治法

初起寒熱交作。大便墜痛。脈浮數者。宜用輕劑解散。已成內熱口乾。大便秘結。脈沈實而有力者。當下之。肛門腫痛。常欲便而下墜作痛者。導溼熱。兼瀉邪火。肛門掀腫疼痛。小便澀滯。小腹急脹者。清肝利小水。出膿腥臭。疼痛不減。身熱者。養血健脾胃。更兼滲溼。膿水清稀。脾胃虛弱。不能收斂者。滋腎氣。急補脾胃。

徐曰。亦同別症。

臟毒治驗

一男子肛門腫突紅紫痛甚。投以內消沃雪湯二服大便數次。疼痛稍減。腫突處以珍珠散清蜜調搽早晚二次。其腫漸消。更以涼血地黄湯服之全愈。

徐曰。此大腸偶成熱火之輕症。

一婦人產後用力太過。肛門墜腫。疼痛之甚。先以枳殼紫蘇煎湯熏洗。後以珍珠散加冰片豬脊髓調搽。內以四物湯加升麻蒼朮丹皮枳殼服之而消。

徐曰。產後脫肛與肛癰不同治。

一男子夏月好飲火酒。熱毒流入肛門。結腫堅硬。形色紫黑。墜痛便秘。用黃連解毒湯加大黃枳殼二劑。便通。疼痛稍止。又用四物湯合前湯數劑。其腫漸消。惟存粟大堅腫不散。以臟連丸服至月餘而愈。

一婦人肛門腫突。堅硬痛極。用攻利解毒藥。俱不應。以神燈照法照之。早晚二次。其疼方減。以蟾酥錠磨濃塗之。堅硬漸腐。爲膿。仍服內消沃雪湯二劑。便通。疼苦減其大半。內服四物湯加黃柏知母厚朴蒼朮。外以珍珠散加冰片豬髓調搽。月餘而平。

外科正宗卷八
一男子素有內痔。便血常欲脫肛。一朝肛門墜重不收。腫痛突起。光亮紫色。此溼熱流注結腫。故難收入。內服黃連除溼湯一劑。外用珍珠散加冰片清蜜調塗。腫痛漸減。後以補中益氣湯加生地黃連蒼朮花粉丹皮服至數劑。漸平。

徐曰。果係內痔。愈則復發。不除根也。

一監生素性急暴。每縱膏粱積毒。流於大腸。內如針刺。外肛不腫。常欲後重。便則秘結。診之脈空數而無力。此真氣不足。邪火有餘。內臟虧損症也。辭以不治。請

他醫用藥。月餘。肛門內腐。敗水無禁。復請余視。余曰。決不可療。脈來虛數。邪勝正也。手掌不澤。脾氣敗也。至夜發熱。陰虛火旺。敗水無禁。幽門已壞。面若塗脂。此四字徐勒批元氣走散。鼻如煙煤。肺氣將絕。口乾舌燥。腎水已竭。豈有不死之理。他醫仍強用解毒滋陰藥。不效而死。

徐曰。此症從元氣虛竭而生。乃外科之內症。治法變化無窮。果能得法。尚可得生。尋常醫者非所能也。

臟毒主治方

黃連除溼湯

黃連除溼湯 芩朴 防風 甘草 硝黃等

蒼朮 芎歸 枳殼 翹 臟毒懸癰 此可消

治臟毒初起。溼熱流注肛門。結腫疼痛。小水不利。大便秘結。身熱口乾。脈數有力。或裏急後重。

黃連

黃芩

川芎

當歸

防風

蒼朮

厚朴

枳殼

連翹

各一錢

甘草

大黃

朴硝

各二錢

水二茶鍾。煎入分。空心服。

徐曰。此臟毒之主方。惟大黃朴硝不宜輕用。

涼血地黃湯

涼血地黃湯連芍
茯苓花粉山梔草

生地芍歸朮地榆
加上人參可治虛

治臟毒已成未成。或腫或不腫。肛門疼痛。大便墜重。

或泄或秘。常時便血。頭暈眼花。腰膝無力者。

川芎

當歸

白芍

生地

白朮

茯苓

各一錢

黃連

地榆

人參

山梔

天花粉

甘草

各五分

水二茶鍾。煎八分。食前服。

徐曰。此方頗穩。

又曰。此治虛症為宜。然不甚切。

楣案徐於此方後另疏枳殼槐米大黃槐角土貝
秦艽桃仁白芷瓜子九味蓋如前牡丹皮散例以
備參用者。

內托黃耆散

內托黃耆散芍歸
角針白朮檳榔等

川芎山甲共陳皮
臟毒將成此藥醫

治臟毒已成。紅色光亮。已欲作膿。不必內消。宜服此
藥潰膿。

川芎

當歸

陳皮

白朮

黃耆

白芍

穿山甲

阜角針

各一錢

檳榔

三分

水二茶鍾煎八分。食前服。

徐曰。此托膿之方。

楣案穿山甲阜角針檳榔徐圈。

黃連解毒湯

見腫瘍門

治平生好飲。縱食膏粱。積熱流入大腸。致肛門結成

腫痛。疼刺如鑽。堅硬如石。

金液戊土膏

見脫疽門

治口腹習於奢侈。情性慣於急暴。烈火猖狂。思不如

願。水已枯竭。火不發泄。旺而又鬱。鬱而又旺。以致肛

門結腫。毒攻內臟。痛如芒刺。熾如火炕。臭水淋漓。生

命難望。宜服此藥。

珍珠散

見下疳門

治肛門腫泛如籬。紅紫急脹。堅硬痛極。本方加冰片。

研極細。豬脊髓調塗。早晚日用二次。

臟毒應用方

六味地黃丸

見肺癰門

四順清涼飲

見湯瀉火燒門

內消沃雪湯

神燈照法

蟾酥錠

俱見腫瘍門

四物湯

補中益氣湯

俱見潰瘍門

人中白散

珍珠散

俱見下
疳門

臟連丸

見痔
瘡門

痔瘡論第三十七

夫痔者。乃素積溼熱。過食炙煇。或因久坐而血脈下行。又因七情而過傷。生冷以及擔輕負重。竭力遠行。氣血縱橫。經絡交錯。又或酒色過度。腸胃受傷。以致濁氣瘀血。流注肛門。俱能發痔。不論老幼。男婦皆然。有生於肛門之內。有突於肛外之旁。大者若蓮花。蜂窠。翻花。雞冠。菱角。珊瑚等狀。小者如櫻珠。鼠尾。牛奶雞心。核桃。蜆肉之形。毒深者。其形異而頑惡。毒淺者。其

形正而平常久則崩潰成漏新則墜重刺疼甚者糞
從孔出血從竅流氣血日有所傷形容漸有所削若
不早治終至傷人尋常多用針刀砒礪線壘等治法

此句徐勒批曰誤治者多至傷生戒之

患者受之苦楚聞此因循都不

醫治予療此症藥味數品從火煨煉性即純和百試

百驗凡療內痔者先用通利藥蕩滌臟腑然後用喚

痔散塗入肛門

徐曰此亦良法但亦須善用非親傳恐無大效

片時內痔自

然泛出即用蔥湯洗淨搽枯痔散早午晚每日三次

每次溫湯洗淨搽藥輕者七日重者十一日其痔自

然枯黑乾硬。痔邊裂縫流膿。停止枯藥。換用起痔湯。日洗一次。待痔落之後。換搽生肌散。或鳳雛膏等藥。生肌斂口。虛者兼服補藥。其口半月可完。外痔用消毒散煎洗。隨用枯痔散照內痔搽法用之。完口百日入房乃吉。至於穿腸久漏者。此則另有二方。亦具於後。患者服之。不用針刀挂線。效如拾芥。

痔瘡看法

初起形如牛奶。不腫不紅。無掀無痛。行走不覺者。輕。已成腫痛。有時遇勞而發。或軟或硬。頭出黃水者。輕。久如

雞冠蜂窠蓮花翻花等狀。流膿出血不止者重。久漏竅通臀腿。膿水淋漓。疼痛不已。糞從孔出者逆。

痔瘡治法

初起及已成。漸漸大而便澀作痛者。宜潤燥及滋陰。肛門下墜。大便出血時。或疼痛堅硬者。宜清火滲溼。紫色疼痛。大便虛秘。兼作癢者。涼血祛風。疎利溼熱。腫痛堅硬。後重墜刺。便出難者。外宜薰洗。內當宣利。內痔出血。登廁脫肛而難上收者。當健脾升舉中氣。便前便後下血。面色萎黃。心忪耳鳴者。宜養血健脾。諸痔欲斷其根。

必須枯藥。四字欲完其竅。必杜房勞。乃愈。

痔瘡治驗

一男子患痔六年。每遇酒色勞役。痔則發腫。堅硬疼痛。十餘日。方得稍可。彼欲斷其根。以枯痔散敷上。至七日外。其痔漸黑裂縫。至十六日。痔枯脫落。孔若雞心。以生肌散逐日用之。內服養血健脾藥而愈。

一男子患痔。掀腫作痛。大便結燥。脈數有力。投以內疏黃連湯二服。便行痛止。又服四物湯加芩連枳殼花粉數劑。而腫消。更服臟連丸一料。而不復發。

徐曰。此輕病也。

一男子患痔。遇勞則發。腫作痛。外以枳殼湯熏洗。內服防風秦艽湯數劑。腫痛俱減。令彼煎湯常洗。每日五六次。又與六味地黃丸加黃柏知母服之。不發。

一男子好飲多慾。內痔虛墜下血。服四物湯加芩連升麻葛根數服。虛墜乃止。又服當歸郁李仁湯二劑。痔腫亦消。更服臟連丸月餘。便血亦止。兼節酒色。遂不發。大抵醉飽入房。經脈橫解。精氣一泄。脈絡必虛。酒食之毒。乘虛流結。或淫極強固精氣。以致敗精濁血。

遂傳大腸。又或飲食厚味。燥溼流注。俱成斯疾。所受病者。燥氣也。爲病者。溼氣也。初宜瀉火和血。潤燥疏風。久宜養血滋陰。健脾滲溼。自愈。若不節酒色。不愼起居。不戒口味。破必成漏。久則穿腸串臀。穢從孔出。臭水淋漓。雖不傷生。每苦瘀汗。可爲歎息。

一男子患痔十餘年。頭已穿潰。未至通腸。每發疼痛。以一

三品一條槍插至七日。

此十字徐勒批曰此法不如枯痔爲妥

痔變黑

色瘡邊漸漸裂縫。至十五日脫落。以鳳雛膏搽至半月。口斂而平。

一男子怯弱。內痔便血。面色萎黃。自服涼血止血藥。不應。診之。脾脈虛而無力。此中氣不足。不能統血。服補中益氣湯十餘劑。精神頓倍。便血亦止。又以加味四君子湯兼前湯間服。月餘不發。大抵此症所致之由不同。當究其因治之。如元氣有餘。形黑氣盛。先糞而後紫血。更兼脈實有力者。此屬有餘。用涼血止血藥自效。至若形體瘦弱。面色萎黃。先鮮血而後糞。更兼脈虛無力者。此屬不足。豈可反用涼藥止之。致傷脾胃。此人脈症。若不溫中健脾。升舉中氣。則其血不得

歸原安能取效。

痔瘡主治方

防風秦艽湯

防風秦艽湯芍歸地黃槐角檳翹枳

榆芎赤苓兼山梔白芷甘草蒼朮宜

治痔瘡不論新久。肛門便血墜重作疼者。

防風

秦艽

當歸

川芎

生地

白芍

赤茯苓

連翹

各一錢

檳榔

甘草

梔子

地榆

枳殼

槐角

白芷

蒼朮

各六分

水二茶鍾煎八分。食前服。便秘者加大黃二錢。

徐曰服藥不外此方。但久痔非煎藥所能治。

楣案地榆枳殼槐角徐圈。

提肛散

提肛散內用芎歸升柴芩連併白芷

人參白朮生黃耆還有甘草和陳皮

治氣虛肛門下墜及脫肛便血脾胃虛弱等症。

川芎

歸身

白朮

人參

黃耆

陳皮

甘草

各一錢

升麻

柴胡

黃芩

黃連

白芷

各五分

水二茶鍾煎八分食遠服。

徐曰亦有用處。

加味四君子湯

加味四君子湯水扁豆還同薑棗煎

參苓甘草黃耆炙痔漏脾虛均可啜

治痔瘡痔漏下血不止。面色萎黃。心忪耳鳴。腳弱氣乏。及一切脾虛口淡。食不知味。又治中氣虛不能攝血。致便血不禁者。

人參

白朮

茯苓

白扁豆

黃耆

炙

甘草

炙各一錢

水二茶鍾。薑一片。棗二枚。煎八分。食前服。

徐曰。不切病。

當歸郁李湯

當歸郁李湯生地麻仁枳實併蒼朮

大黃澤瀉共秦朮。卓角相兼功最饒。

治痔大便結燥。大腸下墜出血。苦痛不能忍者。

當歸

郁李仁

澤瀉

生地

大黃

枳實

蒼朮

秦朮

各一錢

火麻仁

研一錢五分

皂角

一錢

水二茶鍾煎八分空心服。

芎歸湯

芎歸湯內川芎歸婦人產後虛煩熱

失血虛羸服最宜眩暈盜汗並堪施

治便血。或失血過多。兼婦人產後血虛煩熱。頭眩昏

暈盜汗等症。

川芎

三錢

當歸

酒拌五錢

水二茶鍾煎八分。食前服。自汗手足冷者加人參二錢。

徐曰。不切病。

三黃二地湯

三黃二地湯蒼朮人參防風兼甘草

厚朴陳皮白朮歸地榆澤瀉共烏梅

治腸風諸痔。便血不止。及面色萎黃。四肢無力。

生地

熟地

各二錢半

蒼朮

厚朴

陳皮

黃連

黃柏

黃芩

歸身

白朮

人參

各一錢

甘草

防風

澤瀉

地榆

各六

分

烏梅

二錢

水二茶鍾煎八分。食前服。

徐曰：此方乃痔血通治之藥。荷葉蒂粟殼亦可採

入。

楣案黃連地榆烏梅徐圈。

粟殼散

粟殼散內用歸耆參芩厚朴陳皮草

二地升蒼黃柏宜荷蒂秦芩地骨皮

治諸痔作疼及腸風下血。諸藥不止者。

粟殼

溫湯泡去內穰去蒂切絲蜜水拌炒二錢

當歸

陳皮

秦芩

黃耆

生地

熟地

各一錢

黃柏

黃芩

人參

蒼朮

厚朴

升麻

各六

分

荷葉蒂

七箇

甘草

五分

地骨皮

一分二錢

水二茶鍾煎八分食前服。或為細末。每服二錢。空心

溫酒調服。

徐曰。與前相同。

洗痔枳殼湯

洗痔枳殼湯枳殼用此煎湯洗痔瘡

癩蝦蟆草二味足無論新久俱消縮

治痔瘡腫痛。肛門下墜。無論新久。洗之腫自消。

枳殼

二兩

癩蝦蟆草

一名荔枝草。四季常有。面青背白。麻紋。累累者是。二兩

河水三大碗。同上二味煎數滾。先薰後洗。良久。再將

湯煎熱薰洗。甚者三次。即消。洗淨當搽後藥。

徐曰。外治之法。

五倍子散

五倍子散蝦蟇草
痔瘡腫痛及墜疼

加上輕粉冰片好
用之糝上跡如掃

治諸痔舉發堅硬疼痛難忍。或臟毒肛門泛出。腫硬

不收。五倍子大者。敲一小孔。用陰乾癩蝦蟇草揉碎。

填塞五倍子內。用紙塞孔。溼紙包煨。片時許取出。待

冷去紙。碾爲細末。每一錢。加輕粉三錢。冰片五釐。共

研極細。待前湯洗後。用此乾搽痔上。卽睡勿動。其腫

痛卽除。凡外痔用二方搽洗。亦可除根。永不再發。極

效極效。

徐曰亦外治之法

田螺水

田螺水用田螺一脫肛諸痔久難愈

冰片加之水自生將來一掃效如神

治痔瘡堅硬作痛及脫肛腫泛不收者以大田螺一枚用大冰片五釐研末用尖刀挑起螺蓋將冰片入內平放片時待螺滲出漿水用雞翎蘸搽患上勤勤掃之其腫痛自然消散

徐曰熱痔用此外治

喚痔散

喚痔散煨刺蝟皮枯礬冰片同研末

草烏鹽麝搗如泥津唾調搽痔出齊

凡醫內痔不得出用此藥填入肛門其痔即出

草烏一錢 生用 刺蝟皮一錢 燒存性 枯礬五錢 食鹽炒三錢

麝香五分 冰片二分

右碾細末。先用溫湯洗淨肛門。隨用津唾調藥三錢。填入肛門。片時痔即當出去。藥上護痔膏。

徐曰。以後四方連用。

護痔膏護痔膏中用白芨 黃連石膏共研末 水麝還須加一分 雞蛋清調功最烈

用喚痔散痔出之後。先用此藥圍護四邊好肉。此六字徐

圈

白芨 石膏 黃連各二錢 冰片 麝香各一錢

分

共研細末。雞蛋清調成膏。護在四邊好肉。方上枯痔散。

枯痔散

枯痔散內用白礬
再加童子天靈蓋

蟾酥輕粉白砒參
枯痔方中效不凡

凡痔瘡泛出。卽用此藥塗之。年淺者五七日。年深者八九日。待痔乾黑後。不用此藥。每日用落痔湯洗之。

白礬

二兩

蟾酥

二錢

輕粉

四錢

砒霜

一兩

徐曰金頂砒為妙

天靈蓋

此物徐又批曰此藥傷天和不可用去之換他藥

其研極細末。入小新鐵鍋內。上用粗瓷碗密蓋。鹽泥

封固。炭火煨至二炷京香。待冷取開。將藥研末。搽痔。上每日辰午申三時。用溫湯洗淨。上藥三次。上至七八日。其痔枯黑堅硬。住藥裂縫。待其自落。換洗起痔湯。

其徐曰天靈蓋斷不可用。其方甚多。選用可也。

起痔湯

起痔湯中芩柏連
防風甘草山梔等

大黃荆芥苦參兼
朴梢槐角共相煎

治諸痔。上枯藥之後。黑色堅硬裂縫。宜此藥洗。

黃連
黃柏
黃芩
大黃
防風

荆芥
梔子
槐角
苦參
甘草

兩

朴硝五錢

已上藥分作三次。用水煎洗。待痔落之後。換搽生肌散。

生肌散

生肌散乳香沒藥赤石脂輕粉熊膽

海螵蛸龍骨黃丹珍珠麝竭冰片須參

治痔上枯藥之後脫落孔竅不收者。宜用此糝。

乳香

沒藥

各一兩

海螵蛸

水煮五錢

黃丹

飛炒四錢

赤石脂

煨七錢

龍骨

煨四錢

血竭

三錢

熊膽

四錢

輕粉

五錢

冰片

一錢

麝香

八錢

珍珠

煨二錢

共研極細末。瓷罐收貯。早晚日糝二次。蓋膏漸斂而

平。

徐曰。此生肌法。更有佳者。

洗痔腫痛方

洗痔腫痛方法高
還有瓦花馬齒莧

苦棟魚腥草朴硝
煎湯薰洗痔疼消

魚腥草

苦棟根

朴硝

馬齒莧

瓦松花

各一
兩

水五大碗。煎三碗。先薰後洗。諸痔腫痛可消。

徐曰。此外治法。

梔案魚腥草徐圈。

人中白散

見牙
疳門

治諸痔腫痛堅硬墜重脫肛等症。先用溫湯洗淨。隨
後搽藥。卽卧勿動。其腫痛漸減。

三品一條槍

見瘰癧門
此方徐又

治十八種痔漏。用藥線插入痔孔內。早晚二次。初時
每次插藥三條。四日後。每次插藥五六條。至七八日。

藥力滿足。痔變紫黑。方住插藥。候痔四邊裂縫流膿。

至十四日期滿。痔落。用甘草湯洗淨。換搽鳳雛膏。或

玉紅膏。俱可生肌收斂。虛弱者兼服養血健脾之藥。

徐曰。此不可用。近世惡醫殺人無數。

又曰。用以枯痔。已令人大痛無聲。況治他瘡無不

哀號求死。毒入攻心。

生肌鳳雛膏

生肌雞卵鳳雛膏
血竭同熬傾入盞

輕粉乳香龍骨調
雞毛塗上效堪操

用雞蛋煮熟去白。用黃十餘個。銅杓內熬油。傾入盞

內。約油三錢。加輕粉細末一錢。乳香血竭龍骨末各

五分。共入油內和勻。每日早午晚雞翎蘸塗孔內。膏

蓋避風。深者半月可以完口。

徐曰。此膏用處極多。

煮線方

煮線方中用壁錢
白絲扣線投湯內

芫花二味共相煎
諸痔瘻瘡用此痊

治諸痔及五癭六瘤。凡蒂小而頭面大者。此入字用
此線纏繫其根。徐摎

芫花

錢五

壁錢

錢二

用白色細扣線三錢。同上二味。用水一碗。盛貯小瓷
罐內。慢火煮至湯乾爲度。取線陰乾。凡遇前患。用線
一根。患大者二根。雙扣繫于根蒂。兩頭留線。日漸緊
之。自然紫黑。冰冷不熱。輕者七日。重者十五日。後必
粘落。後用珍珠散收口。至妙。

徐曰。凡氣血不到惡症。可用。否則恐有害。

臟連丸

臟連丸內用黃連同搗為丸溫酒服

灌入公豬大臟煎自然諸痔不纏綿

治痔無論新久但舉發便血作痛肛門墜重者黃連

淨末八兩用公豬大臟盡頭一段長一尺二寸溫湯

洗淨將黃連末灌入臟內兩頭以線扎緊用生酒二

斤半砂鍋內煮酒將乾為度取起臟藥共搗如泥如

藥爛再晒一時許復搗丸如桐子大每服七十九空

心溫酒送下久服除根

徐曰實火可用

胡連追毒丸

胡連追毒丸甚奇麝香刺蝟皮丸服

痔漏通腸此可醫排盡瘀膿換好肌

治痔漏不拘遠年近日。有漏通腸。汚從孔出者。先用

此丸追盡膿毒。

此四字徐圈

服後丸藥自然取效。最穩。

胡黃連

一兩切片薑汁拌炒

刺蝟皮

二兩炙切片再炒黃為末

麝香

二分

軟飯為丸。麻子大。每服一錢。食前酒下。服藥後膿水

反多。是藥力到也。勿懼。

徐曰。一方有山甲槐米。

捐案胡黃連刺蝟皮二味徐圈。

黃連閉管丸

胡連閉管藥四般決明山甲槐花等

不用針刀不苦難併入胡連煉蜜丸

胡黃連

淨末一兩

穿山甲

麻油內煮黃色

石決明

煨

槐花

微炒各末五錢

煉蜜丸如麻子大。每服一錢。空心清米湯送下。早晚日進二服。至重者四十日而愈。此方不用針刀挂線。不受苦楚。誠起痼疾之良方也。如漏之四邊有硬肉突起者。加蠶繭二十個炒末。和入藥中。凡徧身諸漏亦效。

楣案石決明徐圈

痔瘡應用方

內疎黃連湯

見腫瘍門

補中益氣湯

四物湯

俱見潰瘍門

六味地黃丸

見肺癰門

下疳論第三十八

下疳者。邪淫慾火鬱滯而成。其來有三。一由男子慾念萌動。陽物興舉。淫火猖狂。而未經發泄。以致敗精濁血流滯。中途結而爲腫。初起必小便澀淋作痛。次流黃濁。敗精陽物漸損。甚則腫痛腐爛。法當疎利肝腎。邪火如入。正散清肝導滯湯之類是也。二由婦人陰器瘀精濁氣未淨。便與交媾。以致淫精傳襲。而生初起皮腫光亮。甚如水晶皮破流水。腫痛日生。癢麻時

發治當解毒消風。龍膽瀉肝湯兼平胃散合而用之。
三由房術熱藥塗抹玉莖洗擦陰器。興助陽火煽動
陰精。僥倖不衰。久頓不泄。以致火鬱未發而成。初起
陽物癢痛。堅硬紫色。疙瘩漸生。腐爛漸作。血水淋漓。
不時興舉。治當瀉火解毒。如黃連解毒湯。蘆薈丸之
類是也。外治之法。皆以銀粉散珍珠散人中白散選
用。又有先發時瘡。悞用薰條擦藥。結毒於此者。詳註
結毒門。

下疳看法

初起不紅不腫。睡不舉陽。玉莖微損。小水自利者輕。已成微熱微腫。皮色光亮。小便赤色。更兼白濁者平。已損肉色紅活。掀無堅腫。小便不疼。大便不秘者順。初起小便淋漓。次損陽物。堅硬作疼。腐爛漸開者險。已成腐潰。內攻傷損。玉莖色紫無膿。疼如針刺者重。

下疳治法

初起腫痛發熱。小水澀滯。肝經溼熱也。宜瀉肝滲溼。腫痛堅硬。掀發寒熱。口燥咽乾。大便秘者。通利二便。玉莖腫痛。小便如淋。自汗盜汗。時或尿血者。清心滋腎。莖竅

夕和上身卷之
三
作癢時出白濁發熱口乾津液少者益腎清心潰後腫
痛小便赤澀日則安靜夜則疼甚者滋陰瀉火潰爛不
已腫硬又作疼痛日深穢氣不回者清肝解毒

徐曰與諸症同

下疳治驗

一童子十五歲玉莖腫痛外皮浮腫粗大一倍他醫治
之以解毒清肝等藥愈腫愈痛予用瀉火清熱滲溼
等劑亦不見效診其脈細數而無力知爲中氣不足
脾經溼水乘虛流注停聚不散當行從治法也用四

物湯合平胃散加木香熟附子人參各五分。一服腫痛頓退。四五服而全消。

徐曰。二方合一。不通已極。其有效者。藥未嘗與病相反。亦能奏功。但無法度。爲可笑耳。譬如烹炮食物。魚肉菜飯并作一碗。豈成庖人乎。然食之亦能飽也。惟不可食之物。雖烹炮得法。亦能害人。

一男子腫痛發寒熱。用荆防敗毒散二服而退。又服龍膽瀉肝湯。腫痛亦減。更服四物湯加黃柏知母而消。徐曰。此小疾不足立案。此類甚多。俱可刪。

一男子年四十。色慾過度。小便澀痛。出如白漿。結煉成

塊。此腎傷溼熱為患。朝以八味丸。

八味丸
徐人

午用八珍

湯。加山萸。牡丹皮。黃柏。知母。服之。

徐曰八珍湯內月
何得加此等物

餘而澀腫退。小便漸清。但竅中常有滑精。不時滲出。

久致腰彎。腳膝無力。偶用三因勝駿丸。服至月餘。前

症悉愈。

一男子莖頭腐爛。小水澀痛。外糝珍珠散。內服木通湯。

四劑。澀痛漸止。更服四物湯。加黃柏花粉而痊。

徐曰。此似下疳初起。

一男子初婚。玉莖傷損。出血疼甚。先以葱湯浸洗良久。隨用珍珠散加冰片糝之。腐皮漸乾。痛亦漸止。內服四物湯加木通山梔。四劑而愈。

一男子皮腫光亮。發熱疼甚。外敷如意金黃散。內服龍膽瀉肝湯加大黃。便痛稍愈。去大黃再服而消。

徐曰。以上諸條。並非真下疳症。真下疳當用靈妙糝藥。

下疳主治方

清肝導滯湯

清肝導滯湯瞿麥
大便若秘加大黃

滑石甘草併扁蓄
燈心為引空心服

治肝經溼熱。玉莖腫痛。小水澀滯作疼者。

扁蓄四錢 瞿麥一錢 滑石二錢 甘草一錢 大黃二錢

便秘

加

水二茶鍾。燈心二十根。煎八分。空心服。

徐曰。此利水之方。即八正散少三味。可刪。

又曰。凡大黃同滑石共服。則專走小便。而不作瀉。

龍膽瀉肝湯

龍膽瀉肝湯。木通。溼用。黃連。秘。大黃。

地黃。澤瀉。車前子。芩。梔。翹。草。當歸。尾。

治肝經溼熱。玉莖患瘡。或便毒懸癰。小便赤澀。或久

潰爛不愈。又治陰囊腫痛。紅熱甚者。

龍膽草 連翹 生地黄 澤瀉 車前子

各一錢

木通 歸尾 山梔 甘草 黃連

黃芩 各五分 大黃 一錢便秘加

水二茶鍾煎八分食前服

徐曰凡瀉下焦溼火之藥不外諸味但與下疳不

甚切

楣案龍膽草澤瀉山梔黃連大黃徐圈

清肝滲溼湯 清肝滲溼二尤功 山梔澤瀉川芎等 苓朴昆陳粉木通 木香甘草當歸同

治陰囊玉莖溼腫如豬肚小水不利墜重作痛

蒼朮

白朮

茯苓

山梔

厚朴

澤瀉

陳皮

木通

天花粉

昆布

各一

錢

甘草

五分

木香

三分

川芎

當歸

各六分

作熱紅色。加黃連龍膽草。

各七分

水二茶鍾煎八分空心服。

徐曰此泛治方。

清心蓮子飲

清心蓮子飲黃耆黃芩甘草併澤瀉

赤茯苓人參地骨皮麥冬加上水煎宜

治心經蘊熱小便赤澀玉莖腫痛或莖竅作疼及土

盛下虛心火炎上口苦咽乾煩躁作渴或虛陽口乾

小便白濁。夜則安靜。晝則發熱者。

石蓮肉

黃耆

黃芩

赤茯苓

人參

各一

錢

炙甘草

澤瀉

麥門冬

地骨皮

各五分

水二茶鍾煎八分。空心併食前服。

徐曰。此通治清心火之方。亦與下疳不切。

八正散

八正散中用木通。扁蓄。山梔併滑石。

車前。瞿麥。大黃同。加之甘草有殊功。

治肝經積熱。小便淋閉不通。及一切淋病。

大黃

車前子

瞿麥

扁蓄

山梔

木通

甘草

各一錢

滑石

二錢

冰二茶鍾煎八分食前服

徐曰此利水主方亦非治下疳藥

解毒木通湯

解毒木通湯柏連瞿麥滑石知母草

膽草山梔蘆薈全還用燈心作引煎

治男婦房術熱藥所傷致玉莖陰戶癢痛小水澀滯白濁滑精至夜陽物興舉不得眠者

木通

黃連

龍膽草

瞿麥

滑石

山梔

黃柏

知母

各一錢

蘆薈

甘草

各五

分

水二茶鍾燈心二十根煎八分食前服

徐曰同前意

蘆薈丸

蘆薈丸中用二連青皮麝木香同等

蕪荑鶴蝨共雷丸餅糊丸服病安痊

治下疳潰爛作痛。又治婦人陰蝕瘡作癢。及小兒肝積發熱。口鼻生瘡。牙齦蝕爛等症。

胡黃連

黃連

蘆薈

白蕪荑

青皮

白雷丸

鶴蝨草

各一兩

麝香

一錢

木香

三錢

右為末。蒸餅糊丸如麻子大。每服一錢。空心清米湯

送下。

徐曰。此殺蟲之方也。內有溼熱生蟲者宜服。

梔案。胡黃連。蘆蒼白。蕪荑白。雷丸。鶴蝨草。徐圈。

銀粉散

銀粉散用錫化開
去砂畱錫更投汞

硃砂研末攪成堆
杭粉輕粉隨後攪

治下疳母論新久。但腐爛作痛及楊梅瘡薰後結毒。玉莖腐爛。或陽物半傷半全者。好錫六錢化開。下硃砂末二錢攪炒。砂枯去砂畱錫。再化開。投水銀一兩和勻。傾出聽用。杭粉一兩研細。鋪夾紙上捲成一條。一頭點火煨至紙盡爲度。吹去灰用粉與汞錫同煎。加真輕粉一兩共成一家。研細。凡遇前患。先用甘草

湯淋洗。浥乾。隨用此藥。糝上。止痛生肌。收斂極妙。

徐曰。此殺蟲收溼。糝藥。或加寒水石。礪砂。

珍珠散

珍珠散效實堪誇。諸腫諸瘡諸痛腐。

輕粉還兼。缸子花。用之一糝。自然瘥。

治下疳皮損腐爛。痛極難忍。及諸瘡新肉已滿。不能生皮。又湯潑火燒。皮損肉爛。疼痛不止者。

青缸花

五分如無用。頭刀。靛花。輕虛色。翠者代之。終不及缸花為妙。

珍珠

一錢。不論大小。以新白為上。入豆腐內煮。數滾。研至極細。無聲方用。

真輕粉

一兩

右三味。共研干。轉細如飛麪。方入罐收。凡下疳初起。

皮損。搽之即愈。腐爛疼痛者。甘草湯洗淨。豬脊髓調搽。如諸瘡不生皮者。用此乾糝。即可生皮。又婦人陰蝕痛。或新嫁內傷痛甚者。亦可搽此。極效。湯潑火燒痛甚者。用玉紅膏調搽之。

徐曰。輕淡之品。

疔瘡簡便方

用油透羅緞舊帽沿燒灰。杭粉瓦上煨黃色。各等分。共研極細。瓷罐收貯。先用紅棗十五枚。甘草三錢。煎湯溫洗患上。浥乾搽藥。即效。

太乙膏

癰疽

治玉莖皮損疼痛不止者。用此貼之。其疼即止。

下疳應用方

四物湯

此方徐勒

八珍湯

俱見潰瘍門

三因勝駿丸

見附骨疔門

魚口便毒論第三十九

夫魚便者。左為魚口。右為便毒。總皆精血交錯。兩胯合

縫之間結腫是也。小腹之下。陰毛之傍結腫。名曰橫

疔。又名外疔是也。得之入房忍精強固不洩。或慾念

已萌。停而不遂。以致精血走動凝滯。結而爲腫。治當散滯行瘀。通利大小二便。九龍丹山甲內消散是也。夫七日已後服之。根本堅固。恐其作膿。宜用火針法刺之。亦妙。已出膿者。服十全大補湯。庶易收斂。遲則恐生別症。難愈。

魚口便毒看法

和火

八

門

初起結腫不紅微熱。行走利便。無寒熱交作者。輕已成。紅赤腫痛。發熱掀疼。舉動艱辛。至夜尤甚者。順已潰膿。稠肉色紅。活腫消痛止。新肉易生。作癢者。順。初起結腫。

堅硬如石。牽強刺疼。起坐不便。寒熱者重。已潰腐爛。腫痛不減。膿水清稀。孔深口大。不斂者險。

魚口便毒治法

初起漫漫結腫疼痛。兩膀牽強。身發寒熱。宜散表邪。已成堅硬發熱疼痛。內熱口乾。大小便秘。宜通利之。發散疎利之後。腫痛仍作。欲作膿。宜用托裏消毒散。掀腫發熱疼痛日久。急脹若甚。內膿已成。宜急開之。已潰之後。膿水不乾。新肉生遲不斂。宜健脾胃。補氣血。

徐曰。看法治法。與諸症同。

魚口便毒治驗

一男子左胯腫痛。身發寒熱。脈弦而數。用人參敗毒散一劑。表症悉退。次用山甲內消散二劑而痊。

徐曰。此初起輕症。

一男子橫痃腫痛堅硬。二便澀滯。以九龍丹一服通利大便。腫痛稍減。間日又用一服。二便通利而消。

一男子患此十餘日。形勢已成。腫痛日甚。因公事急欲出而不能行。以火針法針之。出紫血。鍾許。外用膏貼。拔出微膿。服托裏消毒散而可行。且速愈。

徐曰。此是實症。

一男子潰而口大不斂。此先時泄藥之過也。用十全大補湯加澤瀉丹皮十餘劑。外搽玉紅膏。月餘而斂。

一男子先出疔瘡久而不愈。後發橫痃十餘日。始覺腫

痛。余欲托裏潰膿以泄毒氣。彼欲內消。自服槐花酒

蜈蚣全蝎等藥。

蜈蚣全蝎徐入

腫未得消。元氣已損。轉致筋

骨疼痛。舉動艱辛。仍請余治。形體瘦弱。脈虛而數。此

真氣受傷。邪氣隨入。雖宜補養。必發時瘡。乃愈。彼不

之信。仍服敗毒消風等藥。元氣愈虛。飲食不進。筋骨

疼甚徹夜不睡。又復請治。先用補中益氣湯。補中益氣湯徐

勒倍參耆六服。元氣稍醒。惟疼不大減。此內虛瘡毒。

下陷之故。朝服六味丸。午用十全大補湯十餘服。徧

身方發紅點。此瘡毒欲出。仍服前藥。紅點漸高。始成

瘡形。瘡毒一出。疼痛頓減。元氣漸復。更服八珍湯。八珍

湯徐勒。加米仁銀花土茯苓。服至半年。方得漸愈。彼悔

執方治病之誤。始信因病用方之妙。

徐曰。一味蠻補。自然難愈。

又曰。凡外症用補中益氣。八味。六味。十全。大補。諸

內科之方。其藥味全與外科無涉者。皆薛立齋之惡習也。此老全不知醫。而竊當時之盛名。死有餘辜。

魚口便毒主治方

山甲內消散

山甲內消散大黃
黑牽牛與甘草節

當歸用梢蠶用僵
土鼈太寒須熟商

治魚口便毒騎馬癰橫痃等症。初起未成膿者。

當歸梢

甘草節

大黃

各三錢

穿山甲

炒三錢
大片

僵蠶

黑牽牛

各一錢

土木鱧

三箇徐日此味
太寒不可輕用

水酒各一碗。煎八分。空心服。渣再煎服。大便秘行三四

次方喫稀粥淡味飲食為妙。

徐曰此便毒之主方。但藥味太烈。宜酌用。

又曰此症堅硬難消。故用藥宜重。

楣案大黃穿山甲黑牽牛土木鼈徐圈。

九龍丹

九龍丹用茶血竭生蜜為丸酒下之

巴豆木香兼乳沒便毒橫疔滅無跡

治魚口便毒騎馬癰橫疔。初起未成膿者。

兒茶

血竭

乳香

沒藥

木香

巴豆

不去油

右各等分為末。生蜜調成一塊。瓷盒盛之。旋丸。寒豆。

大每服九丸。空心熱酒一杯送下。行四五次。方喫稀粥。腫甚者。間日再用一服。自消。

徐曰。巴豆必當去油。亦不宜輕用。

紅花散瘀湯

紅花散瘀湯蘇木歸尾大黃角針等

翹貝僵蠶乳決明牽牛山甲酒煎行

治入房忍精強固不泄。以致瘀精濁血凝結兩胯。或小腹之旁。結成腫痛。小水澀滯者。

當歸尾

阜角針

紅花

蘇木

僵蠶

連翹

石決明

穿山甲

乳香

土貝

各一

錢

大黃

三錢

牽牛

二錢

魚上更毒

水酒各一碗煎八分空心服行五六次方喫稀粥補之。

徐曰義同前。

楣案阜角針蘇木石決明乳香土貝徐圈。

黃耆內托散

黃耆內托散芎歸花粉角針與甘草

白朮銀花澤瀉隨魚口便毒此能醫

治魚口便毒橫痃等症已成不得內消者。

川芎

當歸

黃耆

各二錢

白朮

金銀花

天花粉

阜角針

各一錢

甘草

澤瀉

各五分

水二茶鍾煎八分食前服。

徐曰法重出。

楣案全生集載橫痃生于小腹兩旁大腿界中。形如腰子。皮色不異。硬如結核。按之微痛。五月初旬。取新鮮角刺數斤。搗爛入鍋煮湯。湯濃漑出。易水。再煮二三度。出渣。將十共歸一鍋。慢火煎至成膏。日取二錢。同糯米煮粥。日食可消。如無新鮮角刺。取乾者六錢。爲末。布袋同糯米煮粥。食亦可。或以控涎丹三分。淡薑湯日送三次。全愈乃止。大忌開刀。開則刀口無膿。唯出白膩漿。三百日內死。自潰。

者亦然。

玉紅膏

見潰瘍門

治魚口便毒橫痃腐潰口不合者用此搽之。

火針法

火針之法勝服藥刺入瘡根膿血行

針蘸桐油火上灼腫消痛止成歡樂

治魚口便毒橫痃等症用行藥不得內消者用粗線

針二條將竹筯一頭劈開將針離分半許夾在筯頭

內以線扎緊用桐油燈盞內貯之燈草五根排入油

內點著將針蘸油燒紅向患頂重手刺入五六分隨

出或血或膿以膏蓋貼即得輕便以後漸愈虛者兼

服七全大補湯完口。

徐曰血寒氣壯人方可用膏梁虛弱人不宜。

楣案血寒疑是血實之誤然所見鈔本皆作寒今

仍之

魚口便毒應用方

托裏消毒散

見腫瘍門

十全大補湯

補中益氣湯

八珍湯

俱見潰瘍門

六味地黃丸

見肺癰門

八
大和
黃
氏

我
全
大
益

口
氏

氏

獸
血
氏

翁
日
血
氏

外科正宗卷八終宗口